

摘藻堂四庫全書薈要

史部

欽定四庫全書薈要

史部

御批歷代通鑑輯覽卷四十三

詳校官助教臣謝登雋

欽定四庫全書薈要卷七千四百九十六

御批歷代通鑑輯覽卷四十三

南北朝



辛梁中大通三年魏節閔帝恭春二月魏爾朱世隆廢

晉泰元年廢帝郎中興元年

主聘而立廣陵王恭廣陵王羽之子

是為節閔帝

初魏廣陵王恭以元乂擅權託稱瘖疾居于龍華佛

寺無所交通至是爾朱世隆兄弟以魏主聘疎遠無

人望密謀更立近親郎中薛孝通

字士達汾陰人聰之子

說爾

朱天光曰廣陵高祖猶子夙有令望沈晦不言多歷

年所若奉以為主天人允協矣天光使爾朱彥伯

榮從

弟潛往脅之恭乃曰天何言哉世隆等大喜乃廢聘

而立之邢邵

字子才密族弟

為赦文叙敬宗

西魏大昌中追謚子攸為孝莊

帝廟號敬宗

枉殺爾朱榮之狀魏主曰永安手翦彊臣非

為失德直以天未厭亂故逢成濟之禍耳因取筆自

作赦文魏主閉口八年至是乃言中外欣然以為明

主

邢邵叙敬宗枉殺爾朱榮所謂六經掃地平日博聞強記文出為之紙貴者正虛車之飾耳

魏河北大使高乾起兵信都以冀州迎高歡

初爾朱榮以高敖曹

即高昂後以字行

入洛

敖曹為榮所執事具前

敖

曹兄乾亦自東冀州

乾父翼前聚眾河濟間魏置東冀州以翼為刺史

馳至

及榮死魏敬宗以乾為河北大使敖曹為直閣將軍

使歸集鄉里為形援

敬宗親送之河橋舉酒指水曰卿兄弟冀部豪傑能令士卒致

元京城倘有變可為朕河上一揚塵乾垂涕受詔教曹援劍起舞誓以必死

俄而敬宗遇

害劉靈助反于幽州

靈助推筭知爾朱氏將衰乃起兵聲言為敬宗復讐幽瀛滄冀

之民多從之

及是爾朱兆遣監軍孫白鶴至冀州託言調

發民馬欲收乾兄弟乾等知之乃與前河內太守封

隆之

字祖裔
曰之子

等襲信都殺白鷄奉隆之行州事為敬

宗舉哀將士皆縞素升壇誓衆移檄州郡共討爾朱

氏殷州刺史爾朱羽生襲之為教曹所敗

教曹馬預
絕世左右

無不一
當百

時高歡屯壺關聲言討信都衆懼乾曰吾聞

高晉州雄略蓋世其志不居人下且爾朱無道弑君

虐民正是英雄立功之會今日之來必有深謀吾當

輕馬迎之諸君勿懼乃潛謁歡于滏口

注見前

說之曰

爾朱酷逆痛結神人凡曰有知莫不思奮明公威德
素著天下傾心若兵以義立則屈彊之徒不足為明
公敵矣鄱州雖小戶口不減十萬穀秸之稅足濟軍
資願熟思之歡大悅與同帳寢已歡東出趙郡李元

忠

靈之曾孫

復勸歡就乾

元忠先為南趙郡太守好酒無政績及爾朱兆弒敬宗棄官歸

謀舉兵討之會歡已見乾東出元忠乘露車載素寧
濁酒以迎歡歡未即見元忠下車獨酌謂門者曰今
聞國士到門不吐哺輟洗其人可知還吾刺勿通也
門者以告歡遽見之引入觴再行取箏鼓之長歌慷慨
既歌闕謂歡曰天下形勢可見公猶事爾朱邪歡曰
富貴皆彼所致敢不盡節元忠曰非英雄也歡曰趙

郡醉矣使人扶出元忠不肯起孫騰進曰此君天遣來不可違也歡乃復與語元忠慷慨流涕歡亦悲不自勝元忠因進策曰殷州小無糧伏不足以濟大事若向冀州高乾邕兄弟必為明公主入殷州便以賜委冀殷既合滄瀛幽定自當弭服矣歡急握元忠手而謝焉

于是歡帥衆至信都

隆之乾納之時教曹在外略地聞之以乾為婦人遺

以布屨歡使子澄

字子惠

以子孫禮見之教曹乃與俱

來

初乾之舉兵也仍受劉靈助節度靈助自占曰三月之末我必入定州已而魏都督侯淵討靈助斬

之函首入定州果如其期

魏封其故主聘為東海王

高歡在魏已成
尾大之勢然亦

時君有以致之
使然耳微之不
至逆跡已彰復
校以重奇雖出
於無可奈何而
歡因此益無忌
憚賀拔岳宇文
泰等從而效尤
扼於是魚爛而
不可救藥矣

魏以爾朱世隆為太保

時天光專制關石兆奄有并汾仲遠擅命徐克世隆
居中用事競為貪暴而仲遠為尤甚所部富室多誣
以謀反沒其婦女財物而投其男子于河人畏之如
豺虎由是四方皆惡爾朱氏而憚其彊莫敢違也
魏以高歡為渤海王

魏賜高歡爵渤海王徵之不至乃以為東道大行臺
冀州刺史

夏四月梁太子統卒

諡昭明

統自加元服梁主使省錄朝政辨析詐謬秋毫必睹
但令改正不加案劾斷獄多所全宥寬和容衆喜愠
不形于色好讀書屬文引接才俊不畜聲樂每零雨
積雪遣左右周行閭巷視貧者賑之天性孝謹在東
宮坐起恒向西母丁貴嬪卒水漿不入口腰帶十圍
減削過半及寢疾恐貽梁主憂敕參問輒自力手書
及卒朝野惋愕

昭明地易嫌疑
崇禘跡法庶盡

昭明讀書好古

奈何不以戾太

子事為鑒勉云

小人擗擊然亦

有以自取之矣

昭明既不享年
以次立賢於理

五月梁立子綱

即簡文帝

為太子六月封孫歡

字孟孫

為豫章

王譽

字重孫

為河東王譽

即後梁宣帝皆故太子統子

為岳陽王

梁昭明太子既卒其長子華容公歡梁主欲立為嗣

以銜太子舊事猶豫久之竟不立

初昭明太子葬母丁貴嬪有道士云

此地不利長子請厭之乃為蠟鵝及諸物埋于墓側

宮監鮑邈之有寵于太子晚而見疎乃密啟梁主云

太子有厭禱梁主遣檢掘果得鵝物大驚將窮其事

徐勉諫而止但誅道士由是太子終身慙憤及卒不

能自已而立太子母弟晉安王綱為太子朝野多以

為不順侍郎周宏正

字思行捨弟之子

嘗為綱主簿乃奏記

未為不順而朝
野先曉屬意純
子宏正泰記商
文執魚賊已事
為例徒高遜讓
之名而不顧禍
祖之素正義庸
有當乎即如洪
武因劉三吾一
言令太孫主器
以致諸王不遜
禍釀燕藩迂儒
誤人家國大率
如此梁武且以
人言不怠對純
子以慰衆心是

曰謙讓道廢多歷年所願殿下抗目夷

宋子魚事具前

之義

執子臧

曹子臧亦見前

之節網不能從

綱以徐摛為家令兼管記摛文體輕麗春

坊學之時人謂之宮體梁主聞之怒召摛欲加誚責
及見應對明敏意更釋然因問經史及釋教摛商較
縱橫梁主深歡異之寵過日隆朱异不悅謂所親曰
徐叟漸來見逼須早為之所遂來問白梁主曰摛老
愛泉石意在一郡梁主謂摛直欲之乃曰新安大好
山水遂出為郡徐摛字士秀東海郡人新安注見
前尋梁主以人言不息封歡譽等皆大郡以慰其

心

魏冀州刺史高歡起兵討爾朱氏

誠何為者耶

高歡自向山東養士繕甲禁兵侵掠百姓歸心將起

兵討爾朱氏斛律金

斛律本牧勤部因以為氏金字阿六敦朔州人

庫狄干

庫狄氏段匹碑之後避難改姓干善無人

與婁昭

字菩薩平城人歡妻弟

段榮皆歡

成之歡乃詐為書稱爾朱兆將以六鎮人配契胡為

部曲衆皆憂懼又為并州符徵兵討步落稽

即稽胡劉淵五

部之苗裔

乃發萬人將遣之孫騰尉景為請留五日如此

者再歡親送之郊雪涕執別衆號慟歡乃諭之曰與

爾俱為失鄉客義同一家不意在上徵發乃爾今直

西向已當死後軍期又當死配國人又當死奈何衆
曰唯有反耳歡曰然當推一人為主誰可者衆推歡
歡曰爾不見葛榮乎雖有百萬之衆曾無法度終自
敗滅今以吾為主當與前異無得陵漢人犯軍令生
死任吾則可不然不能為天下笑衆皆頌頽曰死生
唯命歡乃推牛饗士起兵信都然猶未敢顯言叛爾
朱氏也會李元忠舉兵逼殷州歡令高乾救之乾輕
騎入見爾朱羽生因斬之持首謁歡歡撫膺曰今日

反決矣乃以元忠為殷州刺史抗表罪狀爾朱氏

冬十一月魏高歡立渤海太守元朗

章武王融之子是為廢帝

自為

丞相敗爾朱兆等軍于廣阿

注見前

爾朱仲遠度律等聞高歡起兵不以為慮獨世隆憂

之孫騰說歡曰今朝廷隔絕號令無所稟不權有所

立衆將沮散歡乃立渤海太守元朗為帝朗以歡為

丞相都督中外諸軍事高乾為侍中司空封拜有差

爾朱仲遠軍陽平兆軍廣阿歡用竇泰計縱反間云

得衆人之死得
天下之心段詔
二語可謂達於
事理高歡惟以
衆寡論強弱不
復知順逆大經
者由其素志頗
與爾朱相以故
自生猶豫耳

世隆兄弟謀殺兆復云兆與歡同謀殺仲遠等由是
迭相猜貳徘徊不進仲遠等屢使人往諭兆執之

仲遠等懼引兵南遁歡遂進戰大破兆軍

先是歡欲與兆戰而

畏其衆彊以問段韶韶曰所謂衆者得衆人之死所謂彊者得天下之心爾朱氏上弑天子中屠公卿下暴百姓王以順討逆如湯沃雪何衆彊之有歡曰恐無天命不能濟耳韶曰爾朱暴亂人心已去矣天意安有不從者哉已而歡果破兆遂進攻鄴
段韶字孝先榮之子

魏南兖州

魏置治魚城
魚城注見前

人執刺史劉世明

字伯楚
芳族子

以降

于梁梁遣歸魏

魏南襄州民劫刺史舉州降梁梁以世明為征西大將軍不受固請北歸比至洛陽奉送所持節歸鄉里不仕而卒

壬梁中大通四年魏晉泰二年中
子興二年孝武帝修永熙元年春正月梁封西豐侯

正德為臨賀王

正德自結于朱异言正德失職故王之

魏高歡克相州以楊愔字遵彥
津之子為行臺右丞

初魏敬宗之誅爾朱榮也楊侃預其謀及爾朱兆入

洛侃逃歸華陰爾朱天光誘而殺之爾朱世隆復誣

奏楊氏謀反盡滅其族

楊氏世家孝友總服同爨男女百口人無間言及是族無

少長皆被殺

唯津子惛適出在外獲勉往見高歡泣訴家

禍因為言討爾朱氏之策歡甚重之以為行臺郎中

至是歡攻克相州

刺史劉誕嬰城固守歡為地道入施柱而焚之城陷入地遂拔之以

惛為行臺右丞時軍國多事文檄教令皆出于惛及

詔議參軍崔陵

字長孺暹之五世孫

二月梁邵陵王綸

字世調梁主第六子

有罪免為庶人既而復之

知通景初不愧
能於其職施法

如鄧陵不復知
有君父而武帝
自免旋復溺愛
失義既後意城
既陷構禍相尋
於岡上志行所
謂由來漸矣

綸為揚州刺史市物不給其直市皆閉邸少府丞何
智通啓聞綸彼責還第遣人刺殺智通事覺免為庶
人銷之三旬既而復之

三月魏主朗入居于鄴高歡自為太師

劉友益曰書魏主成朗之為君

也成朗之為君
將以正罪散也

閏月魏爾朱天光等會兵攻鄴高歡擊破之

爾朱世隆卑辭諭兆使之赴洛又請魏主恭納其女
為后兆乃悅并與天光度律復相親睦將軍斛斯椿

斛斯代北複姓椿字欲圖爾朱氏因說世隆邀天光
法常廣牧畜昌人

等共討高歡

椿陰謂賀拔勝曰天下怨毒爾朱而吾
等為之用亡無日矣不如固之勝曰天

光與兆各據一方去之不盡必為後患奈何
椿曰此易致耳乃見世隆以共討高歡說之
于是天

光自長安兆自并州度律自洛陽仲遠自東郡皆會

於鄴衆號二十萬夾洹水注見前而軍高歡出頓紫陌

在今彰德府臨彰縣西水經注石趙
建武中造紫陌浮橋于漳水上即此
高教曹以其部

曲從

教曹所將皆漢兵歡恐不足集事欲割鮮卑千
人雜之教曹曰所將練習已久前後格鬪不減

鮮卑今若雜之情不相洽勝則
爭功退則推罪不願更配也
時歡馬不滿二千步

兵不滿三萬乃於韓陵

山名在彰德府安陽縣東北

為圓陣連牛

驢塞歸道以示必死兆望見歡責以叛已歡曰本所

以戮力者共輔帝室今天子何在兆曰永安枉殺天

柱我報讐耳歡曰以君殺臣何報之有今日義絕矣

遂戰

歡將中軍教曹將左歡弟岳將右歡戰不利兆等乘之岳以五百騎衝其前別將斛律敦收散

卒躡其後教曹以千騎橫擊之

高岳字洪略歡從父弟

兆等大敗賀拔勝於陣

降歡兆對慕容紹宗撫膺曰不用公言以至於此遂

還晉陽仲遠奔東郡度律天光走洛陽

夏四月魏將軍斛斯椿執爾朱天光度律送鄴世隆伏誅仲遠奔梁

斛斯椿謂賈顯度顯智曰不先執爾朱氏吾屬死無類矣于是入據河橋盡殺爾朱氏之黨度律天光出

走擒之送高歡又使顯智襲執世隆斬之魏主恭使

中書舍人盧辯

字景宣同
之兄子

勞歡歡使見魏主朗辯抗

辭不從歡不能奪侯景降于鄴仲遠奔梁

仲遠兄彥
伯與世隆

同時俱斬世隆弟弼為其帳下馮紹隆所殺天光弟顯壽鎮長安雍州刺史賀拔岳襲殺之天光度律高

歡自鄴送于洛陽斬首
都市仲遠後死于江南

高歡入洛陽廢其王恭及朗而立平陽王修

廣平王懷之子是為

孝武帝自為大丞相

魏主朗至邳山高歡以為疏遠使魏蘭根觀魏主恭
之為人欲復奉之蘭根以恭神采高明恐後難制勸

歡廢之歡集百官問所宜立莫有應者太僕綦儁

魏西

方其連氏後改綦氏儁字擢顯本代人後居洛陽
考通鑑綦作綦母今依魏書北史稱恭賢

明宜主社稷歡將從之崔陵作色曰廣陵既為逆胡

所立何得為天子若從僞言王師何名義舉歡遂幽

恭於崇訓寺

歡在洛陽斛斯椿謂賀拔勝曰今天下事在吾與君耳若不先制人將為人所

制高歡初至圖之不難勝曰時諸王多逃匿平陽王人有功而害之不祥椿乃止

修匿于田舍歡欲立之使斛斯椿求之椿從修所親

王思政

太原人

見修修曰賣我耶思政曰不也曰敢保

之乎曰變態百端何可保也椿馳報歡歡乃迎修為

朗作詔策而禪位焉

修即位用代都舊制以黑纈蒙七人歡居其一修于邕上西向

拜天畢修以歡為大丞相天柱大將軍歡以司馬子

如為行臺尚書參知軍國

歡欲徵賀拔岳為冀州刺史岳欲入朝行臺右丞薛

孝通曰歡方內撫羣雄外抗勁敵安能去其巢穴與公爭關中之地乎公以華山為城黃河為塹進可以兼山東退可以封函谷奈何欲束手受制于人岳曰君言是也乃不就徵

五月魏封其故主朗為安定王

魏主修弒其故主恭

後西魏追謚為節閔

恭有德望魏主酖之于門下外省葬用殊禮

秋七月魏高歡討爾朱兆走之遂據晉陽

高歡擊爾朱兆軍于武鄉

注見前

兆大掠晉陽北走秀

爾朱逆惡貫盈不可更僕數魏叔所謂豁空辱孤貧人敗類正

未足盡其罪狀
李延壽謂叔得
爾朱氏金作佳
傳筆雖莫須有
然千古阿其所
好而為之抑揚
其辭者正復不
少

欽定四庫全書

卷四十三

容并州平歡以晉陽四塞乃建大丞相府而居之

至兆

秀容分守險隘歡揚聲討之師出復止者數四兆意
怠明年正月歡乘其歲首宴會遣賓泰以精騎馳之
一日一夜行三百里歡以大軍繼之兆驚走泰
追破之兆繼死山中慕容紹宗降歡厚待之

冬十一月魏主修弒安定王朗東海王暉十二月復殺

汝南王悅

先是高歡既誅爾朱氏以高祖不可無後召汝南王

悅於梁至將立之宿昔而止

魏主以悅為大司馬至是魏主以

悅屬近地尊遂殺之

歡之跋扈已有形迹然魏之君臣未能計操刀之割而機事不密早釀釁端此與明建文定策方黃皆所云既不能令又不受命者也

癸梁中大通五年
旦魏永熙二年

春正月魏以賀拔勝為荊州刺史

魏侍中斛斯椿與南陽王寶炬

京兆王愉之子即西魏文帝

將軍

元毗

字休弼常山王遵之元孫

王思政密勸魏主圖高歡增置都

督部曲各數百員以關中大行臺賀拔岳擁重兵密

與相結出其弟勝為荊州刺史欲以敵歡歡不悅

初侍

中司空高乾遭父喪解侍中魏主既貳于歡冀乾為己用常與共立盟約乾不之知對曰臣以身許國何敢有貳及是乾謂所親曰上不親勲賢而招集羣小數遣人往來關中又令賀拔兄弟相逆禍難將作必及于我乃密啓歡歡召乾詣并州乾因勸歡受魏禪歡掩其口曰勿妄言遂屢表乾使復為侍中魏主不

許乾知變將起
求為徐州從之

二月阿至羅

高車
別種

復附于魏

魏正光以前阿至羅嘗稱藩內附自中原多事遂叛
高歡遣使招納阿至羅復降先是魏主詔以寇賊平
罷行臺至是以殊俗歸降復授歡大行臺隨機處分
歡資之粟帛議者以為徒費無益歡不從及經畧河
西大收其用

魏徐州刺史高乾伏誅大都督高敖曹奔晉陽

乾將之徐州魏主聞其泄漏機事乃詔歡曰乾邕與

朕有盟今乃反覆歡聞亦惡之取乾前後啟論時事

者封上魏主召乾責之遂賜死弟敖曹及仲密

名慎以字

行俱奔晉陽

魏主既賜乾死復遣東徐州刺史潘紹業密敕長樂太守龐蒼鷹今殺敖曹敖

曹先聞其兄元伏壯士執紹業于路得敕書于袍領遂奔晉陽歡抱其首哭曰天子枉害司空遂使以白虎幡勞其家屬時乾次弟仲密在光州聞難將奔梁其屬曰公家勲重必不弟兄相及乃敝衣推鹿車亦奔于歡自是魏主與歡遂有隙

夏四月魏青州人耿翔殺其刺史降梁梁以翔為刺史

部人殺其長吏
天下所當共誅

豈可以鄰國而
乖公惡或因其
納地歸降從而
撫綏足矣即以
其官官之獎惡
賞亂不可為訓

五月魏下邳叛降于梁

秋八月魏以賀拔岳為雍州刺史

初賀拔岳遣行臺郎馮景

字長明河間武垣人

詣晉陽高歡與

景歆盟約與岳為兄弟景還言于岳曰高歡奸詐有

餘不可信也府司馬宇文泰請使晉陽以觀歡之為

人泰返謂岳曰歡所以未篡者正憚公兄弟耳侯莫

陳悅之徒非所忌也公但潛為之備圖歡不難今費

也頭

代北別部後遂為姓

控弦之騎不下一萬夏州刺史斛拔

彌俄突

斛拔氏代北復姓

勝兵三千餘靈州刺史曹泥河西

流民紇豆陵伊利

魏南方諸姓有紇豆陵氏

各擁部衆未有所屬

若移軍近隴扼其要害震之以威懷之以惠收其士

馬以資吾衆西輯氐羗北撫沙塞還軍長安匡輔魏

室此桓文之功也岳大悅復遣詣洛陽請事密陳其

狀魏主喜以岳為都督二十州軍事雍州刺史

時彌俄突

來降岳以夏州邊地要重欲求良刺史衆舉宇文泰岳曰左丞吾左右手何可廢也沉吟累日卒表用之伊利及費也頭万俟受洛于鐵勒斛律沙門等皆附于岳惟曹泥附歎

冬十二月魏人侵梁雍州

魏荊州刺史賀拔勝侵梁雍州拔下近戍

在襄陽扇縣西

動諸蠻梁刺史廬陵王續

字世訢梁主第五子

屢為所敗漢南

震駭城邑多陷于是沔北盪為邱墟

甲梁中大通六年魏永熙三年東魏孝靜帝寅善見天平元年是歲魏分為二凡三國

春正月魏

高歡攻紇豆陵伊利執之

高歡使侯景招紇豆陵伊利伊利不從擊之于河西擒之遷其部落于河東魏主讓之曰伊利不侵不叛

為國純臣王忽伐之豈有一介行人先請之乎

魏秦州刺史侯莫陳悅殺賀拔岳魏以宇文泰統岳軍討悅誅之遂以泰為關西大都督

初高歡患賀拔岳侯莫陳悅之彊右丞翟嵩曰嵩能間之使其自相屠滅歡遣嵩如關中會賀拔岳將討曹泥使都督趙貴

字元寶天水南安人

至夏州與宇文泰謀之

泰曰曹泥孤城阻遠未足憂侯莫陳悅貪而無信宜先圖之不聽至是岳召悅會于高平與共討泥悅既

得翟嵩之言乃謀取岳與岳宴語誘而斬之還屯水

洛城

在今平涼府莊浪縣東南

岳衆散走平涼未有所屬趙貴曰

今宇文夏州英畧冠世遠近歸心若迎而奉之大事

濟矣都督杜朔周

盛樂人本姓赫連其曾祖因避難改姓杜氏後宇文泰命復其舊姓

名之請輕騎告哀且迎之遂馳至夏州泰與將佐議

曰達

去留前大中大夫韓褒

字宏業潁川人

曰此天授也又何疑

乎衆欲暫留以觀變泰曰悅既害元帥自應乘勢直

據平涼而退屯水洛吾知其無能為也若不早赴衆

心將離因與諸將共盟討悅輕騎赴平涼既至哭岳

哀慟將士悲喜

先是高歡使侯景招撫岳衆泰至定
定遇之謂曰賀拔公雖死宇文泰尚

存卿何為者景失色曰我猶箭耳惟人所射遂還及
泰至平涼歡復使景與張華原王基勞泰泰不受欲
劫留之華原不屈乃遣之基還言泰雄傑請及其未
定擊滅之歡曰卿不見賀拔岳侯莫陳悅乎吾當以
計拱手取之張華原字魏主遣元毗慰勞岳軍召
國蒲代郡人王基太安人

還洛陽并召侯莫陳悅悅附高歡不肯應召泰因毗

上表言岳忽罹非命都督寇洛

上谷昌平人

等令臣權掌

軍事今高歡之衆已至河東侯莫陳悅尚在水洛士

卒多西人顧戀鄉邑乞少停緩徐就東引魏主乃以

泰為大都督即統岳軍

岳之死也都督李虎奔荊州說賀拔勝使攻岳衆勝不從

而還為歡別將所獲送洛陽魏主方謀取關中得虎甚喜拜衛將軍使就泰

李虎西涼王歆之元孫唐

高祖

泰與悅書曰君黨附國賊共危社稷吾已發兵

為賀拔公報讎指日相見泰引兵上隴軍令嚴肅秋

毫無犯百姓大悅水洛降悅退保上邽召南秦州刺

史李弼

字景和隴西成紀人

與之拒泰弼舉城降悅兵潰縊死

秦入上邽散府庫以賞士卒左右竊一銀甕以歸泰

知而罪之剖賜將士

初魏之亂也故氏王楊紹先逃歸武興復稱王氏羌吐谷渾所

在蜂起秦令李弼鎮原州拔也惡耗鎮南秦州可朱

渾元鎮渭州趙貴行秦州事徵幽涇東秦岐之粟給

軍紹先懼遂稱藩送質長史于謹言于秦曰明公據

關中險固將士驍勇土地膏腴今天子在洛迫于羣

凶若陳公懇誠請都關右挾天子以令諸侯奉王命

以封暴亂此桓文之業千載一時也秦善之拔也

代北複姓惡耗名可朱渾代高歡復遣使甘言厚幣

北三字姓元字道元遼東人

以結秦秦不受封其書以聞魏主命秦引軍而東秦

使雍州刺史梁禦

字善通安定人

入據長安魏主以秦為關

西大都督畧陽縣公承制封拜

夏四月癸丑朔日食

六月魏高歡舉兵反秋七月魏主修奔長安歡入洛陽

推清河王亶

惲之子

承制決事魏主以宇文泰為大將軍

尚書令

待中封隆之言于高歡曰斛斯椿等必構禍亂孫騰

泄其言椿白魏主隆之及騰皆逃就歡華山王鷩

字孔

崔高涼王孤六世孫

在徐州歡使大都督邸珍

字安寶中山上曲陽人

奪

其管鑰建州

魏置今山西澤州府是

刺史韓賢

字普賢廣寧石門人

濟州

刺史蔡儻

廣寧石門人

歡黨也魏主皆罷之又增置勳府

庶子騎官各數百人欲伐晉陽下詔戒嚴云欲伐梁

發河南兵詣洛陽

魏主密詔歡曰宇文黑獺有異志故假南征潛為之備王宜近為形

援歡表曰臣今潛勒兵馬三萬自河東渡又遣庫狄

干等自來還津渡婁昭等討荊州尉景等討江左皆

勅所部伏聽處分魏主知歡覺其變乃止歡軍歡亦

表云臣為嬖佞所間一旦受疑陛下若垂信赤心願

賜斟量並令廢出魏主以源子恭守陽胡汝陽王暹

守石濟又以賈顯智為濟州刺史蔡儻不受代魏主

愈怒乃為教賜歡曰聞庫狄干語王云本欲取懦弱

者為主無庸立此長君使其不可駕馭今但作十五

日行自可廢之此論自是王間勲人豈出佞臣之口

隆之孫騰逃去不罪王若盡誠何不斬送啟云西去

而四道俱進南渡洛陽東臨江左聞者寧能不疑王
若舉旗南指縱無匹馬隻輪猶欲奪拳而爭死假令
還為王殺幽辱蓋粉了無遺憾來遼津胡三省注
在平城之西自此渡河至夏州陽胡即陽壺城在今
山西絳州垣曲縣地近河靖王思政言于魏主曰高
谷之北岸也石濟注見前

歡之心昭然可知洛陽非用武之地宇文泰乃心王
室今往就之還復舊京何慮不克魏主深然之遣侍

郎柳慶

字更興河東解人

見泰于高平泰請奉迎輿駕魏主

復私謂慶曰朕欲向荊州何如慶曰關中形勝宇文
泰才略可依荊州地非要害南逼梁寇臣愚未見其

可時東都太守裴俠帥兵詣洛思政問以西巡之計俠曰宇文泰已操戈矛寧肯授人以柄雖欲授之

恐無異避湯入火也思政曰然則何如而可俠曰圖

歡有立至之憂西秦有將來之禍且至關右徐思其

宜耳思政然之乃進俠于魏主授左

中郎將裴俠字嵩和河東解人初歡欲遷都于

鄴魏主不可至是復謀遷都遣騎屯建興魏都後改曰高都故

城在今山西澤州府鳳臺縣益河東及濟州兵擁諸州和糴粟悉

入鄴魏主又以敕喻歡令歸兵罷戍送相州之粟使

蔡雋受代郎珍出徐歡不奉詔魏主以廣寧太守任

祥字延敬廣寧人兼僕射祥棄官走渡河據郡待歡魏主乃

下制書數歡罪惡以宇文泰為關西大行臺令遣騎奉迎歡遂勒兵南出以誅斛斯椿為名以高敖曹為

前鋒宇文泰亦移檄州郡數歡罪惡自將大軍發高

平前軍屯恒農七月魏主親勒兵十餘萬屯河橋以

斛斯椿為前驅陳于邙山之北椿請帥精騎二千夜

渡河掩其勞弊魏主然之侍郎楊寬

字蒙仁
華陰人

曰假兵

于人恐生他變椿若有功是滅一高歡生一高歡矣

魏主敕椿停行椿歎曰頃熒入南斗今上信左右

間構不用吾計豈天道乎宇文泰聞之謂左右曰高
歡數日行八九百里此兵家所忌當乘便擊之而主
上以萬乘之重不能渡河決戰方緣津據守且長河
萬里扞禦為難若一處得渡大事去矣即以趙貴自
蒲坂濟趣并州遣李賢字賢和隴西成紀人將精騎一千赴洛
陽魏主使斛斯椿與潁川王斌之字子爽安樂王鑒之弟鎮虎
牢賈顯智鎮滑臺顯智降于歡歡引軍渡河斌之與
椿爭權還紿魏主云歡兵已至魏主即召椿還與南

陽王寶炬清河王亶廣陽王湛

深之子

以五千騎宿于

澠西衆至魏主將西亡者過半亶湛亦逃歸將軍獨

孤信

魏諸部內入諸姓有獨孤氏信雲中人

單騎追魏主魏主歎曰將

軍辭父母捐妻子而來世亂識忠臣豈虛言也明日

奔長安歡遂入洛陽遣婁昭高敖曹輕騎追魏主不

及

魏主糗漿乏絕惟飲澗水至稠桑都督毛鴻賓迎獻酒食始解饑渴

稠桑驛名在今陝州靈寶縣

西即春秋桑田也毛鴻賓北地三原人

歡集百官責以處不諫諍出不

陪從之罪殺僕射辛雄以下數人推清河王亶為大

齊景行善政而
驥連宗公應德

司馬承制決事宇文泰使趙貴梁禦帥甲騎奉迎魏

主循河西上謂禦等曰此水東流而朕西上若得復

見洛陽親謁陵廟卿等功也魏主及左右皆流涕泰

備儀衛迎魏主謁見于東陽驛

在今西安府渭南縣東以近東陽谷故名

魏主遂入長安以泰為大將軍雍州刺史兼尚書令

軍國之政咸取決焉別置二尚書分掌機事以毛遐

字鴻逵

周惠達

字懷文章武文安人

為之時軍國草創二人積

糧儲治器械簡士馬魏朝賴之

先是熒惑入南斗去而復還留止六旬梁

言而合從彼侯
國尚能以修省
感機祥矧梁主
國儼然南朝主
乎顧乃跣足下
殿如衛士殿襍
魏態且聞魏奔
而謾語解嘲陋
已甚矣

主以諺云焚惑入南斗天子下殿走乃跣足下
殿以襍之及聞魏主西奔慚曰彼亦應天象耶

魏高歡屯華陰使侯景取荊州賀拔勝奔梁

高歡自追迎魏主至恒農遂攻潼關克之進屯華陰

賀拔勝帥所部西赴關中至祈陽

魏郡隋改曰內鄉
今為縣屬河南南

陽聞歡已屯華陰遂還

先是魏主將發洛陽召勝赴
行在所勝以問掾盧柔柔曰

高歡恃逆公席卷赴都與決勝負死生以之上策也
北阻晉陽南屏舊楚東連兗豫西引關中中策也舉

三荆之地庇身于梁功名皆去下策也勝笑而不應
及是勝將還行臺左丞崔士謙曰今帝室顛覆主上

蒙塵公宜倍道兼行朝于行在然後與宇文同臺同
心戮力唱舉大義天下孰不望風響應今捨此而退

恐大人解體一失事機後悔何及勝不能用
盧柔字子剛范陽涿人崔士譙安平人驛之孫三荆魏置荆州于襍注見前又置南荆州于安昌今汝寧府確山縣是又置東荆州于比陽今南陽府泌陽縣是馮智舒以三荆為三楚非是
歡自發晉陽及至華陰凡四十啟魏主皆不報乃東還遣侯景向荆州遇勝景逆擊之勝敗奔梁

冬十月魏高歡立清河世子善見于洛陽
是為東魏孝靜帝

歡還洛陽又遣僧道榮奉表于魏主魏主亦不答歡乃集百寮沙門耆老議所推立時清河王亶出入已

稱警蹕歡醜之謂亶曰欲立王不如立王之子亶不

自安南走歡追還之善見即位

時平十一

魏于是始分為

二

考魏自孝武西奔于是有東魏西魏之稱綱目于在西者提綱仍書魏以魏統相承也惟高歡所立

乃如東字以

別今依之

魏以宇文泰為大丞相

泰攻潼關斬高歡守將薛瑜還長安進位大丞相

十一月東魏遷于鄴

高歡以魏主

孝武帝

既西恐逼峭陝洛陽復在河外接

近梁境如向晉陽形勢不能相接乃議遷鄴書下三日車駕便發戶四十萬狼狽就道歡留洛陽部分事畢還晉陽以僕射司馬子如高隆之侍中高岳孫騰留鄴共知朝政改相州刺史為司州牧魏郡太守為魏尹

時童謡云可憐青雀子飛去鄴城裏羽翮垂欲成化作鸚鵡子好事者竊言雀謂魏主清河王

鸚鵡為

歡也

閏十二月魏宇文泰進毒弑其君修

魏主閨門無禮從妹不嫁者三人平原公主明月南

陽王寶炬同產也從入關宇文泰使人殺之魏主不
悅遂與泰有隙閏十二月魏主在逍遙園宴阿至羅
使夜還飲酒遇酖而殂殯于佛寺諡曰孝武
十年乃葬諫議大
夫宋球慟哭嘔血漿粒不入口者數日泰以其名儒
不之罪也

魏都督獨孤信克荊州東魏人襲之信奔梁

東魏既取荊州魏以獨孤信為刺史招懷之東魏遣
恒農太守田八能拒信于新陽又遣都督張齊民出

信後信謂其衆曰今士卒不滿千人首尾受敵若還
擊齊民士民為我退走必來邀我不如進擊八能破
之齊民自潰矣遂擊破八能乘勝襲穰城東魏刺史辛
纂出戰大敗還趣城門未及闔信前驅武川楊忠本
纂陰人家子武川叱門者曰大軍已至爾等求生何不
隋文帝之父也叱門者曰大軍已至爾等求生何不
避走門者皆散忠帥衆入城斬纂以徇城中懾服信
分兵定三荆居半歲東魏高敖曹侯景將兵奄至城
下信兵少不敵與楊忠皆奔梁

乙梁大同元年魏文帝寶炬
卯大統元年東魏天平二年春正月朔魏宇文泰立南

陽王寶炬

是為文帝

魏宇文泰與羣臣議所立多舉廣平王贊

孝武帝之兄子濮

陽王順

常山王素之孫

垂涕謂泰曰高歡逼逐先帝立幼主

以專權明公宜反其所為廣平幼冲不如立長君而

奉之泰乃立南陽王寶炬即位于城西大赦改元

魏宇文泰自為都督中外諸軍事封安定公

魏以泰為都督中外諸軍錄尚書事大行臺封安定

王泰固讓王爵及錄尚書魏主許之乃改封安定公

魏立后乙弗氏

其先吐谷渾渠帥歸魏為洛陽人

后仁恕節儉不妬忌魏主重之

東魏高歡擊稽胡

即步落稽注見前

斬劉蠡升

初魏孝昌中稽胡劉蠡升自稱天子居雲陽谷

在今朔平

府左雲縣明于此置雲陽堡

邊境歲被其寇謂之胡荒至是歡襲

擊大破之其北部王斬蠡升首以降

東魏高歡自為相國假黃鉞加殊禮復辭不受

魏作新制二十四條

魏宇文泰以軍旅未息吏民勞弊命所司斟酌古今
可以便時適治者為二十四條新制奏行之

魏宇文泰以蘇綽

字令綽
武功人

為行臺左丞

綽先為行臺郎中宇文泰未深知之然諸曹疑事皆
詢于綽而後定臺中咸稱其能已而泰與僕射周惠
達論事惠達不能對請出議之以告綽綽為之區處
惠達入白之泰稱善曰誰與卿為此議者惠達以綽

對且稱綽有王佐才乃擢綽為著作郎會泰與公卿

如昆明池觀漁行至漢故倉池

在西安府長安故城內水經注池在未央

宮顧問左右莫有知者召綽問之具以狀對泰悅因

問天地造化之始歷代興亡之迹綽應對如流泰與

並馬而還留至夜問以政事卧而聽之綽指陳為治

之要泰起整衣危坐不覺膝之前席語達曙不厭詰

朝謂惠達曰蘇綽真奇士吾方任之以政即拜大行

臺左丞參典機密自是寵遇日隆綽始制文案程式

朱出墨入及計帳

課役之大數

戶籍

戶口之籍

之法後人多遵

用之

夏五月魏宇文泰自加柱國

初魏敬宗始置柱國大將軍以寵爾朱榮位在丞相

上榮敗後此官遂廢至是泰復為之

自大統十六年以前加柱國者

泰及李虎元欣李弼獨孤信趙貴于謹侯莫陳崇凡八人時稱八柱國家

元欣字慶樂廣陵王羽之子

大統中紹封侯莫陳

崇字尚樂武川人

魏閭内都督趙剛

字僧慶洛陽人以陳荊州歸于魏

先是趙剛以東荊州兵西赴關中

魏孝武帝之在洛陽也剛奉密敕召

東荊州刺史馮景昭入援兵未及發而孝武入關景昭集文武議所從司馬馮道和請待北方處分剛抽刀投地謂景昭曰公若欲為忠臣請斬道和如欲從賊可速見殺景昭感悟遂帥衆而西會高歡

遣侯景向荊州州民楊祖歡起兵應景邀剛于路刺

史馮景昭戰敗剛沒蠻中至是剛自蠻中往見東魏

東荊州刺史李慤

趙郡人

勸令附魏慤從之剛由是得

至長安宇文泰以為光祿大夫剛說泰召賀拔勝獨

孤信等于梁泰使剛往請之

勝與信等在梁梁主持之甚厚剛再至魏興因

梁梁州刺史杜懷琬移書逮康梁主禮送勝等還魏
勝懷梁主思見焉獸南向者皆不射之信與楊忠至
長安宇文泰愛忠
之勇留置帳下

冬十一月梁侍中徐勉卒

勉雖骨鯁不及范雲亦不阿意苟合故梁世言賢相
者稱范徐云

東魏封高洋

歡次子即北齊文宣帝

為太原公

洋內明決而外如不慧衆皆嗤鄙之獨歡異之謂長

史薛琰

字彞珍代人

曰此兒識慮過吾

洋幼時歡嘗欲觀諸子意識使各治

同新疏錄真得
不治之治乾改

張史張語更明
快其識慮誠有
過人處

亂絲洋獨抽刀斬之曰亂者當斬又各配兵四出使人帥甲騎偽攻之兄澄等皆怖撓洋獨勒衆與格攻者免胄言情猶擒以獻

丙梁大同二年魏大統二年春正月東魏高歡襲魏夏州見注辰二年東魏天平三年靈州魏孝昌中置今屬甘肅寧夏府涼州注見前前取之魏靈涼州亦叛附於

歡

高歡帥庫狄干等萬騎襲魏夏州身不火食四日而至縛稍為梯夜入其城禽其刺史斛律俄彌突因而

用之留都督張瓊

字德連代人

將兵鎮守遷其部落以歸魏

靈州刺史曹泥與其婿涼州刺史劉豐

字豐生昔樂人

復叛

降東魏魏人圍之水灌其城不沒者四尺歡命阿至
羅發騎三萬徑度靈州繞出魏師之後魏師退歡迎
泥及豐拔其遺戶五千以歸

二月東魏高歡遣其世子澄入鄴輔政東魏以為尚書
令京畿大都督

東魏渤海世子澄年十五入鄴輔政用法嚴峻事無
凝滯中外震肅引崔暹為左丞親任之

初澄通于歡妾一婢告之

子如論婁妃是
矣附高澄而反
其道父妾之罪
則大謬正理史
稱父子夫婦復
如初蓋嘉其善
處人人倫而不
知實傷人倫大
義矣

歡杖澄而幽之婁妃亦隔絕不得見歡約魏敬宗之
后爾朱氏有寵生子淑欲立之澄求救于司馬子如
子如入見偽為不知者請見婁妃歡告其故子如曰
妃是王結髮婦王在懷朔被杖背無完皮妃晝夜供
侍同走并州然馬矢自作執思義何可忘也且婁領
軍之勲何宜搖動一女子如卓介況婢言不足信邪
歡因使子如更鞠之子如盡反其辭乃啟
歡曰果虛言也歡大悅父子夫婦復如初

東魏高歡以陳元康

字長猷廣宗人

為功曹

高季式薦元康于高歡曰是能夜中闇書

謂能闇中書字快

吏也歡召之一見即授功曹掌機密時軍國多務元

康問無不知與功曹趙彥深

名隱以字行南陽宛人

同知機密

而元康性柔謹歡甚親之曰此人天賜我也

三月梁處士陶弘景

字通明丹陽秣陵人

卒

弘景博學好養生仕齊為奉朝請棄官隱居茅山句即

曲山在今江寧府句容縣南漢茅盈與其弟表固來此世號三茅君因以名山梁主早與之

遊及即位恩禮甚篤每得其書焚香虔受屢以手敕

招之弘景不出國家每有大議必先諮之時人謂之

山中宰相及是卒諡貞白先生

弘景將歿為詩曰夷甫任散誕平叔坐論

空豈悟昭陽殿遂作單于宮時士大夫競論元理不習武事故弘景詩及之夷甫晉王衍字平叔晉何

弘景知時不可為自託方外雖勝夷甫平叔一格然究其節概不過與唐武攸緒同背項耳胡寅責其無一言以首帝心故非苛論

晏字

夏四月梁以江子四

濟陽考城人

為右丞

子四上封事極言得失梁主詔曰古人有言屋漏在上知之在下朕有過失不能自覺子四所言尚書時加檢括速以啟聞

秋九月東魏行臺侯景侵梁梁陳慶之擊破之冬十二月東魏及梁平魏大饑

人相食死者什七八

丁梁大同三年魏大統
己三年東魏天平四年春正月東魏高歡侵魏宇文

泰擊破之殺其將竇泰歡別將襲魏洛州

此魏太和中所置之洛州

治上洛今陝西商州是

執其刺史泉企

字思道上洛豐陽人

初魏主下詔數高歡二十罪歡亦移檄謂宇文泰斛

斯椿為逆徒至是歡遣司徒高敖曹攻上洛大都督

竇泰攻潼關而自將軍蒲坂造三浮橋欲渡河魏宇

文泰出軍廣陽

魏縣屬為邕郡故城在今西安府臨潼縣

謂諸將曰賊掎

吾三面作浮橋以示必渡此欲綴吾軍使竇泰得西

入耳泰屢勝而驕襲之必克克泰則歡不戰自走矣
諸將皆曰不如分兵禦之宇文泰曰賊雖作橋未能
徑渡不過五日吾取竇泰必矣乃聲言欲保隴右而
潛軍東出竇泰猝聞軍至渡河宇文泰擊破之士衆
皆盡竇泰自殺先是宇文泰還長安問計于族子直
軍攻蒲坂則歡拒守而泰救之吾表裏受敵此危道
也不如選輕銳潛出小關竇泰躁急必來決戰歡持
重未即救我急擊泰必可擒泰擒則歡勢自阻回師
擊之可以決勝宇文泰曰是吾心也遂從之宇文
深宇文奴干小關在潼高歡撤浮橋而退教曹自商山
關左今曰紫峪口

轉戰而進所向無前遂攻上洛郡人泉岳及弟猛略與杜密等謀翻城應之洛州刺史泉企知之殺岳及猛略密走歸教曹教曹以為鄉導而攻之企固守旬餘二子元禮仲遵力戰仲遵傷目城遂陷企見教曹

曰吾力屈非心服也教曹以杜密為洛州刺史欲遂入藍田闕聞竇泰軍沒而還

教曹以企及元禮自隨企私戒二子曰吾餘生

無幾汝曹才器足以立功勿以吾故遂虧臣節元禮逃還與仲遵陰結豪右襲密殺之魏以元禮世襲洛

州刺史企

尋卒于鄴

兩國相持爭以
貼對敏捷相誇
以則所謂俊又
石率可知矣幸
而地醜德齊苟
延歲月遇有能
而之主取之如
反掌耳

夏六月東魏遣使如梁

東魏遣散騎常侍李諧

字處和
平之孫

聘于梁梁主與語應

對如流因目送之謂左右曰卿輩常言北間無人物

此等何自而來邪

是時南北通好務以俊又相誇銜
命接客必盡一時之選每梁使至

鄴鄴下為之傾動宴曰高澄常使左右覘
之一言制勝為之拊掌魏使至建康亦然

秋八月梁修長干塔

今江寧府城南有大報恩寺塔高
百餘丈即古長干寺塔也宋明皆

重修寺前大道
即古長干里

梁主修長干寺阿育王塔出佛爪髮舍利

魏書釋老
志釋迦佛

既謝世香木焚尺靈骨分碎大小如粒擊之不壞焚亦不燃或有光明神驗謂之舍利弟子收置寶瓶募建宮宇謂為塔塔猶言宗廟也于後有王阿育以神力分佛舍利于諸鬼神造八萬四千塔布于世界皆同日幸寺設無礙食大赦而就

閏九月梁以武陵王紀

字世詢梁主第八子為益州刺史

紀以道遠固辭梁主曰天下方亂唯益州可免故以處汝汝其勉之

東魏高歡侵魏冬十月魏宇文泰迎戰渭曲

渭水之曲在今陝西

同州府大荔縣東南大敗之

高歡將兵二十萬趣蒲津

關名在同州府朝邑縣東即古臨晉關也今曰大慶

關使高敖曹將兵三萬出河南時關中饑魏宇文泰

所將不滿萬人屯恒農五十餘日聞歡將濟河乃引

兵入關敖曹遂圍恒農歡引兵自蒲津濟河涉洛

此沮

洛也注

軍于許原西

先是長史薛琚言于歡曰西人連言饑饉故冒死入陝州欲取

倉粟今敖曹已圍陝城粟不得出但置兵諸道勿與

野戰比及麥秋民自餓死寶炬黑獺何憂不降願勿

渡河侯景曰今茲舉兵形勢極大萬一不捷猝難收

歛不如分為二軍相繼而進歡不從及濟河至馮翊

謂魏刺史王羆曰何不降羆大呼曰此城是王羆塚

欲死者來歡知不可攻乃止許原即商原在大荔

縣北水經注洛水南逕
商原西俗謂許原也

泰至渭南徵諸州兵皆未會

欲進擊歡諸將以衆寡不敵請待歡更西以觀其勢

泰曰歡若至長安人情大擾今及其新至可擊也即

造浮橋于渭令軍士齎三日糧輕騎渡渭十月至沙

苑在今大荔縣東與朝邑縣接距東魏軍六十里時

將皆懼宇文深獨賀曰歡懸師渡河非衆所欲獨歡

耻失實泰懷諫而來所謂忿兵可一戰擒也願假深

一節發王羅之兵邀其走路使無遺類泰遣須昌公

達奚武覘歡軍武從三騎皆效歡將士服日暮去營

數百步下馬潛聽得其軍號因上馬厯營若警夜者

有不如法往往撻之具知敵之情狀而還達奚武

字成興
代人

歡聞泰至引兵會之李弼謂泰曰彼衆我寡
不可平地置陳此東十里有渭曲可先據以待之泰
從之背水東西為陳李弼趙貴為左右拒命將士皆
掩戈于葦中約聞鼓聲而起晡時東魏兵至望見魏
兵少爭進擊之無復行列泰鳴鼓士皆奮起合戰李
弼等帥鐵騎橫擊之東魏兵中絕遂大破之歡欲收
兵更戰斛律金曰衆心離散不可復用歡乃馳去夜
渡河喪甲士八萬人鎧仗十八萬泰追至河上選留

甲士二萬餘人餘悉縱歸李穆字顯慶賢之弟曰高歡破膽

矣連追之可獲秦不聽退軍渭南所徵之兵甫至乃

于戰所人種柳一株以旌武功侯景言于歡曰黑獺驟勝而驕必不為備

願得精騎二萬徑往取之歡以告婁妃妃曰設如其言景豈有還理得黑獺而失景何利之有歡乃止高

歡曹聞歡敗釋

恒農退保洛陽

魏宇文泰伐東魏東魏秦州今山西蒲州府是降泰

遂略定汾絳二州名汾東魏之南汾州治定陽今山西吉州是絳魏曰東雍州後周更名今山西

絳州進取洛陽豫州此魏之北豫州治虎牢今開封府汜水縣是穎梁廣陽

是

等州

魏潁州治潁陰今河南許州是梁州治大梁今河南開封府是廣州治魯陽今汝州魯山縣是陽州

治宜陽今河南府宜陽縣是皆降

魏遣行臺王李海與獨孤信趣洛陽李顯趣三荆賀

拔勝李弼圍蒲坂東魏秦州別駕薛善字仲良汾陰人聰弟子

開門約魏軍刺史薛崇禮善族棄城走追獲之宇文

泰進軍蒲坂略定汾絳先是崇禮固守蒲坂善謂曰高歡有逐君之罪善與兄泰

衣冠緒餘世荷國恩今大軍已臨而猶為歡守一旦

城陷送首長安署為逆賊兄有餘愧及今歸款猶為

愈也崇禮猶豫不決善與族人斬闔以納魏師及泰

既定汾絳凡薛氏預開城之謀者皆賜五等爵善曰

薛善斬開納師
視崇禮之為歡

固守者相去莫
啻霄壤且知歸
順為臣子常節
堅辭五等之封
在濁世尤為僅
見

背逆歸順臣子常節豈容闔門俱叨封
邑與其弟慎固辭不受薛慎字佛護獨孤信至新

安漢縣魏置郡今為縣屬河南府高敖曹引兵北渡河信逼洛陽洛

州東魏改司州為洛州今河南府是刺史廣陽王湛棄城歸鄴信遂

據金墉城潁州長史賀若統魏內入諸姓有賀若氏統代人舉城降

魏梁州滎陽廣州皆降十一月東魏行臺任祥攻潁

州宇文泰使大都督宇文貴字永貴夏州人救之諸將咸以

為彼衆我寡不可爭鋒貴曰彼謂吾兵少必不敢進

今進據潁川出其不意破之必矣遂疾趨據潁川背

城為陳以待其至合戰大破之俘其士卒萬餘人悉

縱之乘勝追擊又大敗之東魏將是云寶

是云代北複姓殺

其陽州刺史以降魏都督韋孝寬

名叔裕以字行京兆杜陵人

攻

豫州拔之于是東魏河南諸州多入于魏

明年二月東魏遣賀

拔仁侯景復取南汾潁豫廣四州賀拔仁字天惠善無人

戊梁大同四年魏大統四年東魏元象元年春正月辛酉朔日食

二月魏廢其后乙弗氏立柔然女郁久閭氏為后

初柔然頭兵可汗事魏盡禮永安以後不復稱臣得

魏淳于覃親寵任事使典文翰及是數為遼患魏宇
文泰欲結婚以撫之言于魏主以乙弗后為尼使扶
風王孚迎頭兵女為后頭兵遂留東魏使者而送后
于魏柔然營幕戶席皆東向孚請正南面后曰我
未見魏王固柔然女也魏仗南面我自東向

秋八月東魏遣兵圍金墉魏宇文泰救之斬其將高敖
曹復戰不利引還

東魏遣侯景高敖曹等圍魏獨孤信于金墉高歡帥
大軍繼之魏主與宇文泰俱東李弼達奚武帥千騎

為前驅至穀城

漢縣晉省故城在今洛陽縣

侯景等欲整陳以待

其至莫多婁貸文

莫多婁代北三字姓貸文太安狄那人

請擊之進遇

李弼敗死泰進軍湫東景等夜解圍去泰帥輕騎追

至河上景為陳北據河橋南屬邛山與泰合戰

泰馬驚逸

墮地東魏兵追及之左右皆散李穆以策扶泰罵曰
籠東軍士爾主何在而獨留此追者不疑捨之穆因
以馬授泰與俱逸魏軍復振籠泰擊東魏兵大破
東摧敗披靡之貌見楊倞荀子注

之高敖曹意輕泰建旗蓋以陵陳魏人盡銳攻之一

軍皆沒敖曹單騎走投河陽南城守將高永樂

歡從祖兄

子與教曹有怨閉門不納追者斬之高歡聞之如喪肝膽然是日置陳既大首尾懸遠從旦至未戰數十

合氛霧四塞莫能相知魏諸軍戰不利燒營而歸留

儀同三司長孫子彥

本名偽稚之子

守金墉

王思政舉預陷陳被創閔瓘思

政每戰常著破衣與甲敵不知其將帥故得免將軍蔡祐下馬帥左右十餘人擊東魏兵殺傷甚衆東魏人圍之祐彎弓持滿四面拒之東魏人募厚甲長刀者直進取之去祐三十步左右祐射之祐曰吾曹之命在此一天豈可虛發將至十步祐乃射之應弦而倒東魏兵稍却祐徐引還祐每戰常為士卒先戰還諸將皆爭功祐終無所言泰每歎曰承先口不言勲我當代其論叙因以王思政為東道行臺使鎮恒農

蔡祐高平人
承先其字也

魏長安亂宇文泰討平之

魏之東伐也關中留守兵少前後所虜東魏士卒散
在民間聞魏兵敗謀作亂李虎與周惠達等輔魏太
子欽出次渭北關中大擾于是沙苑所俘東魏都督
趙青雀雍州民于伏德等遂反青雀據長安子城伏
德保咸陽與太守慕容思慶各收降卒以拒還師魏
主留止閔郎令泰討之泰引兵西入長安父老且悲

且喜士女咸相賀華州刺史宇文導字菩薩泰兄子襲咸陽

斬思慶擒伏德渡渭與泰會遂攻青雀破之

東魏高歡拔金墉魏師走范陽人起兵應魏東魏擊平之

歡自晉陽將騎濟河遣別將追魏師至峭不及自攻

金墉長孫子彥棄城走歡毀金墉而還范陽盧仲禮

及弟景裕字仲孺同兄子起兵應魏東魏都督賀拔仁擊仲

禮等平之景裕本儒生歡釋之使教諸子景裕講論精微難者或相詆訶大聲厲色而景裕神

彩儼然風調如一從容往復無際可尋性清靜惡官
屢有進退無得失之色弊衣粗食怡然自安終日端
嚴如對賓客是冬魏遣是云寶復襲洛陽趙剛襲廣州皆
拔之于是自襄魏襄州治北南陽今南陽府裕州是廣以西城鎮復為
魏

東魏禁擅立寺

魏自正光以後四方多事民避賦役多為僧尼至二
百萬人寺三萬餘區至是始詔長吏擅立寺者計庸
用也以枉法論

魏取宜陽行臺王思政城玉壁

在今山西絳州稷山縣南後周于此置勳州隋

廢

徙鎮之

東魏將段琛

字懷寶代人

等據宜陽遣牛道恒誘魏邊民

韋孝寬患之乃詐為道恒與孝寬書道歸歛之意使

謀遣之琛營琛果疑之孝寬乘其猜阻襲而禽之靖

澠遂清王思政以玉壁險要請築城自恒農徙鎮之

後高歡侵魏入自汾絳思政守玉壁以斷其道歡圍之九日遇大雪士卒多死乃解圍去事在魏大統

八年

資勞以馭中材
拔擢以優賢能
自是古今通議
然澄雖議改停
年仍不出妙選
引致而已適足
使標榜于進者
得志何異揚湯
止沸邪

東魏改停年格

東魏以高澄攝吏部尚書始改崔亮年勞之制銓擢
賢能又沙汰尚書郎妙選人地以充之凡才名之士
皆引致門下與遊宴

己梁大同五年魏大統
未五年東魏興和元年
春正月梁魏何敬容
字國禮為

尚書令

自晉宗以來宰相皆以文義自逸敬容獨勤簿領日
肝不休為俗所嗤自徐勉周捨既卒當權要者外朝

則敬容內省則朱昇敬容質慤無文以綢維為己任
昇文華敏洽曲營世譽善伺主意為阿諛用事三十
年廣納貨賂欺罔視聽遠近莫不忿疾園宅玩好飲
繕聲色窮一時之盛每休下車馬填門惟王承王雅
及褚翔不往王承字安期儉之孫雅承弟褚翔字
世舉淵之曾孫

魏字文泰置行臺學

泰于行臺置學令丞郎府佐旦治公務晚就講習

冬十月魏置紙筆于陽武門以求言

十一月東魏行興光厯

于偏方割據中
日事建州分郡
甚至有名無地
掩耳盜鈴自欺
欺人孰甚于此

校書郎李業興

上黨長子人

所修也行之

梁分諸州為五品

朱异奏頃來置州稍廣而小大不倫請分為五品其
位秩高卑參僚多少皆以是為差詔從之于是上品

二十州次品十州次品八州次品二十三州次品二

十一州

梁主方事征伐恢拓境宇北踰淮汝東距彭
城西開畔柯南平理洞建置州郡紛綸甚衆

其下州皆異國降人有名無地職貢罕通五品之外
又有二十餘州不知處所凡一百七州又邊境鎮戍

雖領民不多其將帥皆建

為郡州郡雖多而戶口日耗矣

魏制禮樂

魏自西遷以來禮樂散逸宇文泰命僕射周惠達郎

中唐瑾

字附璘北海平壽人

損益舊章至是稍備

唐梁大同六年魏大統申六年東魏興和二年

春二月柔然侵魏魏主殺其故

后乙弗氏

柔然舉國南侵時頗有言以后故興師者魏主乃賜

乙弗后自盡柔然至夏州而退未幾郁久間后亦遇

疾殂

夏閏五月丁丑朔日食

冬十一月吐谷渾遣使如東魏

吐谷渾自莫折之亂不通于魏伏連籌卒子夸呂立

始稱可汗治伏俟城

在今青海西隋于此置西海郡

其地東西三千

里南北千餘里是歲始遣使假道柔然聘于東魏

辛梁大同七年魏大統
酉七年東魏興和三年

秋七月魏以宇文測

字澄鏡為深之兄

大都督行汾州

此汾州西魏置治隰州今山西隰州是

事

測為政簡惠得士民心汾州地接東魏東魏人數來

寇抄測禽獲之解縛引見待以客禮并給糧餼衛送

出境東魏人大慙不復為寇

時有告測交通境外者宇文泰怒曰測為我安

邊何得間我骨肉命斬之

九月魏省官員置屯田頒六條

宇文泰欲革時政為強國富民之法度支尚書蘇綽贊成其事減官員置貳長并置田屯以資軍國又為六條詔書一清心二敦教化三盡地利四擢賢良五恤獄訟六均賦役泰常置諸坐右令百司習誦之非

通六條及計帳者不得居官既而又益新制十二條
冬十月東魏頒麟趾格

東魏詔羣官于麟趾閣議定法制謂之麟趾格行之
東魏大稔

魏自喪亂以來農商失業六鎮之民就食齊晉東西
分裂連年戰爭公私困竭民多餓死高歡命諸州濱
河皆置倉積穀以供軍旅備饑饉又于傍海煮鹽軍
國竈贍又以諸州調絹不依舊式民甚苦之奏令悉

以四十尺為匹至是東方連歲大稔穀斛至九錢山

東之民稍復蘇息矣

臨淮王孝友言令制百家為族二十五家為閭五家為比百家

之內有帥二十五徵發皆免苦樂不均復有蠶食為弊久矣京邑諸坊或七八百家唯一里正二史庶事無闕請每閭止為二比計族者十二丁資絹番兵所益甚多事下尚書寢不行
臨淮王孝友或之弟資絹謂討貲輸絹番兵謂番代為兵也

壬梁大同八年魏大統戊八年東魏興和四年

春正月梁安成

注見前

妖人作亂

三月江州司馬王僧辯

字君才太原和人

討平之

安成望族劉敬躬以妖術惑眾遂據郡反時南方久

不習兵人情擾駭江州刺史湘東王繹梁主弟七子即梁元帝

遣司馬王僧辯討斬之僧辯該博辯捷器宇肅然雖射不穿札而志氣高遠

秋八月東魏以侯景為河南大行臺

冬十二月梁盧子畧作亂監西江即漢牂牁江注見前督護高要

漢縣梁置郡隋以後仍為縣今為廣東肇慶府治太守陳霸先吳興長城下若里人即陳高祖

討平之陳霸先事始此

先是梁交州人李賁反賁世為交趾豪右仕不得志又有并詔者富于詞藻請選

求官尚書蔡搏以并姓無前賢徐廣陽門即韶恥之與賁俱還鄉里會交州刺史武林侯諮以刻暴失衆

心二人因連結救州豪傑俱反蔡將字景梁主遣節鄆之孫武林侯諮字世恭鄆陽王恢之子

高州梁置今為刺史孫問新州梁置治新興今肇慶府新興縣是刺

史盧子雄討之時春瘴方起衆潰而歸武林侯諮奏

問及子雄通賊逗留皆賜死于是子雄弟子畧及杜

僧明字弘照廣陵臨澤人周文育字景德義興陽美人等舉兵攻廣州欲

殺諮時諮奔還廣州監西江督護蕭子顯曰廣州統內西南二江川源深遠別置督護

專征討高要太守陳霸先帥精甲三千救之大破子

畧等擒僧明文育霸先以二人驍勇釋之以為主帥

詔以霸先為直閣將軍

霸先身長七尺五寸日角龍顏垂手過膝既平盧子畧等

梁主遣畫工圖

其容貌而觀之

癸梁大同九年魏大統
亥九年東魏武定元年

春二月東魏北豫州刺史高仲

密以虎牢降魏三月魏宇文泰帥軍應之及東魏高歡

戰于邙山大敗而還

東魏北豫州刺史高仲密陰謀外叛高歡疑之遣奚

壽興典其軍事仲密執之以虎牢降魏

初仲密為御史中尉取崔

暹之妹既而棄之由是與暹有隙暹用御史多其親黨高澄奏令改選仲密疑暹構已愈恨之仲密後妻

李氏秀而慧登見而悅之李氏不從以告仲密仲密益怨至是降魏歡以事由崔暹將殺之高澄為之固請歡乃魏宇文泰帥諸軍應仲密三月圍河橋南城釋之

高歡將兵十萬至河北秦退軍渥上縱火船于上流以燒河橋斛律金使張亮

字伯德西河隰城人

以小艇百餘載

長鎖伺火船將至以釘釘之引鎖向岸橋遂獲全歡

渡河據邙山為陳數日泰留輜重夜襲之歡聞之正

陳以待黎明泰至東魏彭樂

字興安定人

以數千騎衝魏

軍所向奔潰遂馳入魏營虜泰督將僚佐四十八人

沙苑敗而歡不復西行邙山敗而泰亦不復東出分據之勢遂定于此然視三國人材則相去遠已

諸軍乘勝擊魏大破之斬首三萬餘級

歡使彭樂追泰泰窘謂樂

曰癡男子今日無我明日豈有汝耶何不急還營收汝金寶樂從其言獲泰金帶一囊以歸言于歡曰黑獺漏刃破膽矣歡怒其失泰梓其頭連頓之持刀將下者三噤齧良久樂曰乞五千騎復為王取之歡曰汝縱之何意而言明日復戰泰為中軍與右軍若干復取也乃赦之

惠

若干代北複姓惠字惠保武川人

合擊東魏大破之悉俘其步卒

歡走從者七人追兵至都督尉興慶

太安秋那人

拒戰矢

盡而死東魏降者告泰以歡所在泰募勇敢三千人皆執短兵配賀拔勝攻之勝執槊逐歡槊刃垂及段

韶射勝馬斃之歡遂逸去勝歎曰今日不執弓矢天也左軍趙貴戰不利東魏兵復振泰與戰又不利遂遁入關屯渭上歡進至陝泰使開府儀同三司達奚武拒之初泰召王思政于玉壁將使鎮虎牢未至而敗乃使守恒農思政入城開門解衣而卧慰勉將士示不足畏高歡使劉豐生將數千騎追泰至憚之引還思政乃修城郭起樓櫓營農田積芻粟由是恒農始有守禦之備泰亦廣募關隴豪右以增軍旅

夏四月東魏復取虎牢

宇文泰遣謀潛入虎牢令守將魏光固守侯景獲之

改其書云宜速去縱謀入城光宵遁景獲高仲密妻

子送鄴北豫洛二州復入于東魏

高歡以高乾有義熱高昂死王事皆

為之請免其從坐仲密妻李氏當死高澄納之

冬十一月東魏築長城于肆州

注見前

西自馬陵

戌名在今山西忻州靜樂縣北

東至土瑋

寨名在今代州崞縣西北

甲梁大同十年魏大統十年東魏武定二年

春三月東魏以高澄為大將軍

領中書監

高歡多在晉陽委孫騰司馬子如高岳高隆之以朝

政鄴中謂之四貴權勢熏灼專恣驕貪歡欲損奪其
權故以澄領中書監移門下機事總歸中書文武賞
罰皆稟于澄孫騰見澄不肯盡敬澄叱左右牽下築
以刀環立之門下歡謂羣公曰兒子浸
長公宜避之于是公卿以下無不聳懼庫狄干澄姑
之婿也自定州來謁立門外三日乃得見澄欲置腹
心于東魏主左右擢崔季舒為中
書侍郎崔季舒字叔正挺從子

夏四月梁尚書令何敬容有罪免

敬容復為太子詹事太子頻于元圃自講老莊敬容
謂人曰昔晉代喪亂頗由祖尚元虛使中原淪于胡

敬容既為詹事
不能正諫而自
復言已失恭寒
之義而更為害

平私爲其人尚
足慮哉

羯今東宮復襲此江南亦將爲戎乎至是坐爲妾弟
書屬領軍免官

秋七月魏更權衡度量頒新制

魏更權衡度量命尚書蘇綽損益三十六條之制頒
行之搜簡賢才爲牧守令長皆依新制而遣焉數年
之間百姓便之

東魏以崔暹爲中尉宋遊道爲左丞

魏自正光以後政刑弛縱在位多貪汚高歡啟以宋

遊道為御史中尉澄請以崔暹為之以遊道為尚書

左丞謂曰卿一人處南臺一人處北省當使天下肅

然暹暹畢義雲等為御史時稱得人澄與諸公出之
東山暹暹于道前驅為赤棒所擊澄回馬避之尚
書令司馬子如太師咸陽王坦貪黷無厭暹彈之削
其官爵其餘死黜者甚衆歡與鄴下諸貴書曰崔暹
居憲臺咸陽王司馬令皆吾布衣之舊同時獲罪吾
不能救諸君其慎之遊道奏駁尚書違失數百條省
中豪吏並鞭斥之高隆之誣遊道有不臣之言罪當
死黃門侍郎楊愔曰畜狗求吠今以數吠殺之恐將
來無復吠狗遊道竟生除名 畢義
雲衆敬之曾孫咸陽王坦禧之子

冬十月東魏括戶均賦

東魏以喪亂之後戶口失實徭賦不均以孫騰高隆
之為括戶大使分行諸州得無籍之戶六十餘萬僞
居者皆勒還本屬

乙梁大同十一年魏大統
丑十一年東魏武定三年

春三月魏遣使如突厥

劉友益曰

突厥始
見此

突厥本西方小國姓阿史那氏

文獻通考突厥匈奴別種其先居西海之

右為鄰國所滅遺一兒且十歲則足斷臂棄大澤中
有牝狼卸肉食之得不死及長遂與狼交生十男其
後各為一姓阿世居金山即今阿爾泰山在巴里坤
史耶其一也西北路蒙古謂金為阿爾

通考以金山狀如兜鑿北俗呼為突厥因以為號云云今按兜鑿蒙古呼為度古勒噶則馬端臨所稱初未會對音之義如漢古西域傳之割竊失真者多矣

坦泰即坦之陽為柔然鐵工

通考金山狀如兜鑿北俗呼兜鑿為突厥因以

為至其酋長土門始彊大頗侵魏西邊至是魏使至

其國人皆喜曰大國使者至吾國其將興矣

夏六月魏作大誥

晉氏以來文章競為浮華魏宇文泰欲革其弊命蘇綽作大誥宣示羣臣戒以政事仍命自今文章皆依此體

梁遣兵討交州賊李賁敗之

賁自稱越帝置百官梁遣交州刺史楊暕

天水西縣人公則之

子討之以陳霸先為司馬暕推霸先為前鋒賁敗奔

嘉寧城

在今安南國元和志安南都護府峯州治嘉寧縣

諸軍圍之

先是定州刺史

蕭勃會暕于西江詭說留暕暕集諸將問計霸先曰

定州偷安目前不顧大計節下奉辭伐罪當死生以

之豈可逗撓不進長寇沮眾乎遂勒兵先發至是軍

至交州賁眾數萬于蕪歷江口立城棚以拒霸先霸

先所向摧陷定州梁置今廣西潯州府貴縣是蕪

歷江今日來蕪江在安南國交州府東北蕭勃吳平

侯島之子明年諸軍克嘉寧賁奔與敵湖

胡三省注湖在新昌新昌即峯

州也大造船艦充塞湖中眾軍憚之頓湖口不敢進霸

謂諸將曰我師老而無援入人心腹若戰不捷豈望
生全今籍其屢奔人情未固正當共出百死決力取
之無故停留時事會江水夜暴起七丈奔注湖中霸
去矣將士皆莫應先勒所部兵乘流先進衆軍鼓譟俱前賁衆大潰竄
入屈獠洞中屈獠斬賁傳首建康

梁散騎常侍賀琛

字國寶會稽山陰人

上書論事詔詰責之

琛啟陳四事一曰牧守貪殘

略言今天下戶口減落關外彌甚郡不堪州之

控總縣不堪郡之衰削更相呼擾唯事微餼豈非牧
守之過歟東境戶口空虛皆由使命繁數驚困守宰
拱手聽其漁獵黠長吏因之重為貪殘雖年二曰
降復業之詔曰下蠲賦之恩民不得反其居也

風俗侈靡

略言今牧守所以貪殘良由風俗侈靡使然為吏致貲鉅億罷歸不支數年率皆盡

于燕飲之物歌謳之具所費等于邱山為歡止在俄頃乃更追恨向時所取之少一何悖哉其餘淫侈日見滋甚誠宜嚴為禁制道以

三曰斗筭競進

略言陛下憂念

四海不憚勤勞至于百司莫不奏事但斗筭之人詭競求進不論國之大體唯務吹毛求疵以深刻為能以繩逐為務迹雖似于奉公事更成其威福誠願責其公平之效然其譏慝之心則下安上謐無微幸之

忠矣四曰省事息費

略言今天下無事而猶曰不暇給宜省事息費事者則民養費息則

財聚應內省職掌各簡所部有宜除除之有宜減減之興造有非急者徵求有可緩者皆宜停省以畜財

而養

民啟奏梁王大怒召主書于前口授勅書以責環

司馬光於梁武
詰責環事謂

獲其所矧矧其所長以為獲矧則當矣若其所矧乃在不牢惟牢朝會菜蔬諸細節則實感於清淨使然烏足以訓恭儉哉至云非公宴不食國家之食也為書理試思彼既自居人主國矣而外寧自私財合是又從何取格而斤斤欲以此事謀不自

大指以為朕有天下四十餘年公車讞言日開聽覽卿不宜自同閭茸止取名字宣之行路言我能上事恨朝廷之不用何不分別顯言某刺史橫暴某太守貪殘某使者漁獵邪士民飲食過差若加嚴禁益增苛擾若指朝廷我無此事昔之牲牢久不宰殺朝中會同菜蔬而已我非公宴不食國家之食凡所營造皆以虛惜成事絕房室三十餘年雕飾之物不入于宮不飲酒不好音朝中曲宴未嘗奏樂三更治事日常一食昔腰十圍今裁二尺為誰為之救物故也卿又欲禁百司奏事詭譎求進偏聽生姦獨任成亂二世之委趙高元后之付王莽呼鹿為馬又可法歟治署邸肆何者宜除何者宜減何處興造非急何處微求可緩各出其環但謝過而已不敢復言梁主為人

孝慈恭儉勤于政務冬月視事執筆觸寒手為皴裂

知其失
失其失

惟辟作福惟辟
作威非作也應
福者福之應威
者威之仍其自
取耳然賢不可
偏廢若武帝則

自天監中用釋氏法長齋一食菜羹糲飯身衣布衣
木棉皂帳一冠三載一衾二年雖居暗室恒理衣冠
小坐盛暑未嘗褰袒對內豎小臣如遇大賓然優假
士人太過牧守多侵漁百姓使者干擾郡縣又好親
任小人頗傷苛察多造塔廟公私費損江南久安風

俗奢靡故琛啓及之梁主惡其觸實故怒

梁主疏簡
刑法自公

卿大臣咸不以鞠獄為意姦吏招權弄法貨賂成市
枉濫者多年老又持佛戒每斷重罪則終日不憚或
謀逆事覺亦泣而宥之由是王侯益橫或白晝殺人
暮夜剽掠梁主深知其弊而溺于慈愛不能禁也

所謂徒作福而
不作威而其作
福也又實私意
顧以多行慈愛
為積已之福則
致白晝殺人暮
夜剽掠其為種
禍亦仍武帝受
之

丙梁中人同元年魏大統
寅十二年東魏武定四年春三月梁主講佛書于同泰
寺

夏四月同泰浮圖災復作之

梁主幸同泰寺講三慧經四月講解是夕浮圖災梁
主曰此魔也更宜廣為法事遂起十二層浮圖將成
值候景亂乃止

秋八月梁以邵陵王綸為南徐州刺史

梁主年高諸子心不相下互相猜忌邵陵王綸為丹

陽尹湘東王繹在江州武陵王紀在益州皆權倖人
主太子綱惡之常選精兵以衛東宮出綸為南徐州
刺史

冬十月梁以岳陽王譽為雍州刺史

梁主既捨譽兄弟而立太子綱內常愧之寵亞諸子
使送為東揚州以慰其心

會稽人物殷阜故使為之

譽兄弟亦內

譽兄弟之懷不平乃武帝之內愧有以啟之也卒致子孫爭據陵夷以至於亡貽謀之道可不

懷不平至是譽以梁主衰老朝多秘政遂蓄財下士
招募勇敢至數千人以襄陽形勝梁業所基可圖大

功乃克己為政撫循士民數施恩惠延納規諫所部
稱治

十一月東魏高歡侵魏圍玉壁不克而還

先是魏徙王思政為荊州刺史思政舉韋孝寬代為
并州刺史守玉壁至是東魏高歡悉山東之衆侵魏
至玉壁圍而攻之晝夜不息孝寬隨機拒之

城中無
水汲于

汾歡使移汾一夕而畢又于城南起土山欲乘之以
入孝寬縛木接樓以禦之歡鑿地為十道孝寬掘長
塹邀之每穿至塹輒擒殺之塞柴投火以皮排吹之
在地道內者亦皆焦爛歡以攻車撞城孝寬縫布為

慢隨其所向縣空張之車不能壞歡又縛松麻于竿
灌油加火以燒布焚樓孝寬作長鉤遙割之歡又于
城西四穿地中施梁柱縱火燒之柱折城崩孝寬隨
處堅木柵以杆之敵不得入城外盡攻擊之術而城
中守禦有餘又奪據其土山歡無如之何乃使祖珽
說之使降孝寬曰孝寬關西男子必不為降將軍也
珽乃射募格于城中云能斬孝寬者拜太尉封郡公
孝寬書背返射城外云能斬高歡者準此祖珽
字孝微東魏苦攻五十日士卒死者七萬人歡智力
瑩之子

皆困因而發疾乃解圍去

歡之自玉壁歸也軍中訛言孝寬以定功弩射殺丞

相歡聞之勉坐見諸貴使斛律金作敕勒歌自和之
哀感流涕斛律金敕勒部人也故歡使作敕勒歌

其辭曰敕勒川陰山下天似穹廬籠罩
四野天蒼蒼野茫茫風吹草低見牛羊

魏度支尚書蘇綽卒

綽性忠儉常以喪亂未定為已任薦賢拔能紀綱庶政宇文泰推心任之綽嘗謂為國之道當愛人如慈父訓人如嚴師每與公卿議論自晝達夜事無巨細若指諸掌積勞成疾而卒泰深痛惜之謂公卿曰蘇尚書平生廉讓吾欲全其素志恐悠悠之徒有所未達如厚加贈諡又乖夙昔相知之心何為而可令史麻瑤越次進曰儉約所以彰其美也泰從之歸葬武


功載以布車一乘

泰與羣公步送之酌酒言曰爾知吾心吾知爾意方欲共定天下遽舍吾

去奈何因舉聲慟哭不覺庖落于手史臣曰周文提劍而起百度草創施約法之制于競逐之辰修太平之禮于鼎峙之日終能斲雕為朴變奢從儉風化既被而下肅上尊疆場屢動而內安外附斯蓋蘇綽之力也



御批歷代通鑑輯覽卷四十三



總校官候補中允臣王燕緒

校對官編修臣吳舒帷

謄錄監生臣李邦燮

欽定四庫全書薈要

史部

御批歷代通鑑輯覽卷四十四

欽定四庫全書薈要卷七千四百九十七

御批歷代通鑑輯覽卷四十四

南北朝

梁太清元年魏大統十年東魏武定五年

春正月己亥朔日食



不盡如鈞

梁以湘王王繹為荊州刺史

兄死不哀喜躍
破原臺城被圍
遲徊不進即後
之刻檀肖像亦
不過為收人心
之計耳天道神

初繹為荊州有微過廬陵王續代之以狀聞至是續
卒繹聞之喜入閣而躍屣為之破梁主復以繹刺荆

明其可欺乎魏
徵以江陵覆陷
乃上靈降鑒此
焉假手理固有
之事亦宜然

州

東魏大丞相勃海王高歡卒

綱目於高歡字文泰之卒
俱具官爵與曹操司馬懿

同例今
依之

先是高歡病使太原公洋鎮鄴而徵世子澄赴晉陽
至是病篤謂澄曰侯景專制河南十四年矣常有飛
揚跋扈之志顧我能畜養非汝所能駕馭也今四方
未定勿遽發哀庫狄干斛律金並性道直終不負汝
堪敵侯景者惟慕容紹宗我故不貴之留以遺汝又

曰段孝先忠亮仁厚智勇兼備軍旅大事宜共籌之

遂卒

歆性深密終日儼然人不能測取軍嚴肅聽斷明察雅尚儉素刀劍鞍勒無金玉之飾及卒澄

秘不發喪惟行臺

丞陳元康知之

東魏大行臺侯景以河南降魏二月景復以河南叛附於梁梁封景為河南王遣兵援之

景聞歡病篤用其行臺郎王偉

頽川人

計擁兵自固歡

卒遂以河南降魏

景右足偏短弓馬非其長而多謀算諸將高敖曹彭樂等皆勇冠一

時景常輕之嘗言於高歡願得兵三萬橫行天下要須濟江縛取蕭衍老公以為太平寺主歡使將兵十

高歡既預慮澄
不能駕馭侯景
且為尋堪敵之
人豈有書背做
點志而不告之
理此又見史氏
之多文而辭實

萬壽制河南景素輕高澄嘗曰高王在吾不敢有異
王沒吾不能與鮮卑小兒共事矣及歡疾篤澄詐為
歡書以召景先是景與歡約曰今握兵在遠人易為
詐所賜書背請加微燕至景得書無燕辭竟不至遂

叛魏以景為太傅大行臺景執豫襄廣州注俱見前刺史

潛遣兵襲西兗州魏置治定陶刺史邢子才掩捕獲之因

散檄東方諸州各為之備高澄遣韓軌字伯年太安狄那人督

諸軍討之二月又遣郎中丁和奉表於梁梁請舉河

南十三州豫廣潁判襄兗南兗濟東豫洛陽北荆北揚總北荊州治陸渾北揚州治項城餘

注俱見前內附梁主召羣臣廷議僕射謝舉字言揚壯弟濟之子等

叔孫豹以夢啓
豎牛之禍梁武
帝以夢致侯景
之亂乃至賊死
亦復相類此不
待朱異之憾思
而後成亂階謬
所云癡人說夢
可不謂大愚乎

皆曰頃與魏和邊境事無不宜納其叛臣梁主曰機

會難得豈宜膠柱

先是正月乙卯梁主夢中原牧守皆以地來降旦見朱異告之異曰

此字內渾一之兆也及丁和至稱景定計實以正月乙卯梁主愈神之然意猶未決嘗獨言我國家如金甌無一傷缺今忽受景地詎是事宜脫至紛紜悔之何及朱異揣知梁主意對曰今景分魏土之半以來自非天誘其果何以至此若拒而不納恐絕後來之望願陛下無疑梁主從之梁主以景為

大將軍封河南王都督河南北諸軍事遣司州刺史

羊鴉仁

字孝穆泰山鉅平人

督兖州桓和仁州

梁置治赤坎故城在今鳳陽府

靈璧縣

湛海珍等將兵三萬趣懸瓠以應之

平西諸議周弘正善

占候前此謂人曰國家數年後當有兵起及開納景曰亂階在此矣

三月梁主復捨身於同泰寺

梁主至是三捨身矣

奉臣奉時如大通故事

夏四月東魏高澄如鄴

澄慮諸州有變乃自出巡撫因朝於鄴東魏主與之宴澄起舞識者知其不終

胡氏三省曰昔周景王喪太子及后以喪賓宴叔向知其不終今高澄喪父死肉未寒忘哀縱樂尚為有人心乎

六月東魏遣兵討侯景魏遣兵救之徵景入朝景不受
命魏師乃還

東魏高澄遣將軍元柱等將兵數萬襲景大敗景以
梁羊鴉仁等軍猶未至乃退保潁川東魏復遣韓軌
等兵圍之景懼割東荆北充

胡三省注
當作北荆

魯陽長社四

城賂魏以求救僕射于謹曰景姦詐難測未可遣兵
荊州刺史王思政以為不若因機進取即引兵自魯陽
向陽翟宇文泰聞之遣太尉李弼儀同趙貴將兵赴

潁川韓軌等聞魏師將至引兵還鄴景欲因會執弼與貴而奪其軍貴疑之不往欲誘景入營執之弼止之羊鴉仁遣兵至汝水弼等引兵還長安王思政入據潁川景引軍出屯懸瓠復使乞兵於魏宇文泰遣

同軌

西魏郡隋廢故城在今河南府永寧縣

防主韋法保

名祐以字行京兆山北人

等將兵助之召景入朝景因叛計未成厚撫法保等

辭不赴

先是左丞王悅言於泰曰景既能背德於高氏豈肯盡節於朝廷今益之以兵竊恐朝廷

貽笑將來也法保長史裴寬亦曰侯景狡詐必不入關欲托款于公恐未可信若伏兵斬之亦一時之功

也不爾即應深為之備法保然之遂辭還鎮王思政亦覺其詐分布諸軍據景各州鎮至是景果辭不入

朝 王悅字

泰召諸軍還以思政都督河南諸軍事

衆喜藍田人

景遂決意降梁羊鴉仁遂入懸瓠

高澄以書諭景使還許以豫州刺史

還其妻子

景不聽

秋七月梁遣貞陽侯淵明

字靖通長沙王懿之子

督諸將侵東魏

梁主下詔大舉伐東魏欲以鄱陽王範

字世儀忠烈王恢之子

為元帥朱异曰鄱陽雄豪蓋世得人死力然所至殘

暴非弔民之才且陛下昔登北顧亭

在今鎮江府丹徒縣北固山上

謂江右有反氣骨肉為戎首今宜詳擇梁主曰會理

字長才南康

何如對曰陛下得之矣遂以會理與貞

王續之子

陽侯淵明分督諸將會理庸懦驕倨不禮淵明淵明
密告朱异追還代之

東魏高澄還晉陽自為都督中外諸軍錄尚書事勃海
王

高澄將歸晉陽以其弟洋為京畿大都督留鄴遂歸
發喪東魏主贈歡相國齊王備九錫殊禮

諡曰

獻武

以澄

為大丞相督中外錄尚書事澄辭丞相許之

澄虛其
歎於漳

水之西而潁鑿鼓山石窟佛寺之旁為穴納其柩而
塞之故羣臣及齊亡一匠之子知之發石取金而逃

鼓山在彰德府武安縣南寨

宇記山有石鼓二鳴則兵起

東魏高澄入鄴幽其主於宮中殺侍講荀濟

字子通
潁川人等

而還

東魏主多力善射好文學時人以為有孝文風烈高

澄深忌之使崔季舒察魏主動靜

始高歡自病遂君
之醜事魏主禮甚

恭事無大小必以聞可否聽否每侍宴俯伏上壽魏
主設法會乘輦行香散執香爐步從鞠躬屏氣承望

澄恣睢無忌時
以篡奪尚非其
時故假虛文掩

人耳目正與澄之下牀大瞻景之稽顙殿下同一偽狀史臣乃謂其自病遂君之醜謂無識

顏色及澄當國倨傲特甚

澄嘗侍宴舉大觴屬魏主魏主不勝忿

曰自古無不亡之國朕亦何用此生為澄怒罵使李

舒拳毆魏主奮衣而出魏主不堪憂辱詠謝靈運詩

曰韓亡子房奮秦帝魯連恥侍講荀濟知魏主意乃

與祠部郎中元瑾華山王大器

驚之子

等謀誅澄於宮

中作土山開地道向北城至於秋門門者覺之以告

澄澄勒兵入宮見魏主不拜而坐曰陛下何意反魏

主正色曰自古惟聞臣反君未聞君反臣必欲弑逆

苟濟果正士不
當進舍東規獨
其一死所謂就
中錚錚者耳

緩速在王澄乃下牀叩頭大啼謝罪居三日幽魏主

於含章堂烹濟等於市遂還晉陽

濟少居江東博學能文與梁主有布

衣之舊知梁主有大志然負氣不服嘗謂人曰會於
眉鼻上磨墨微之梁主甚不平及即位或薦之梁主
曰亂俗好反不可用也濟上書諫梁主崇信佛法塔
寺奢費梁主大怒欲斬之未異密告之濟逃奔東魏
澄以為侍讀及敗下鄉曰自傷年紀摧頽功名不立
故欲挾天子誅權臣澄欲宥其死親問之曰苟公何
意反濟曰奉詔誅高澄何反邪遂烹之

九月梁堰泗水攻東魏彭城冬十一月東魏行臺慕容

紹宗擊敗之獲蕭淵明

梁主命侍中羊侃與淵明堰泗水于寒山

在今徐州府銅山縣

東以灌彭城侯得彭城乃進軍與侯景犄角東魏遣

大都督高岳救彭城欲以潘樂

字相貴廣寧石門人

為副陳元

康曰樂緩於機變不如慕容紹宗且先王之命也乃

以紹宗為東南道行臺與岳樂偕行景聞紹宗來叩

鞍有懼色曰誰教鮮卑兒解遣紹宗來若然高王定

未死邪紹宗帥衆十萬據橐駝峴

在銅山縣北

羊侃勸淵

明乘其遠來擊之不從侃乃帥所領出屯堰上紹宗

至攻營淵明醉不能起諸將皆不敢取兗州刺史胡
貴孫獨帥麾下與戰斬首二百東魏兵敗走初景常
戒梁人曰逐北不過二里紹宗將戰以梁人輕悍恐
其衆不能支引將卒謂之曰我當陽退誘吳兒使前
爾擊其背至是梁人不用景言乘勝深入東魏將卒
以紹宗之言為信遂用之梁兵大敗淵明貴孫皆為
所虜失亡士卒數萬人羊侃結陳徐還梁主聞之驚
駭幾欲墮牀歎曰吾得無復為晉家乎

高澄使軍司
杜弼作檄移

梁朝略曰侯景以鄙俚之夫遭風雲之會位班三事
邑起萬家而離披不已意亦可見彼乃授之以利器
誨之以慢藏使其勢得容奸時堪乘便終恐倔彊不
掉狼戾難馴橫使江淮士子荆揚人物死亡矢石之
下天折霧露之中彼梁主者輕險有素老耄及之用
舍乖方廢立戾所矯情動俗飾智驚愚毒螫滿懷妄
敷戒業災異降于上怨讎興于下傳險躁之風俗任
輕薄之子孫明黨路開兵權在外必將禍生骨肉讎
起腹心外奔中潰今資其時其後梁室禍
敗皆如弼言

杜弼字輔元中山曲陽人

十二月梁立元貞

魏故咸陽王禧之孫

為咸陽王

侯景遣王偉說梁主曰高澄幽元善見於金墉殺諸
元六十餘人河北物情俱念其主請立元氏一人以

從人望則陛下有繼絕之名臣景有立功之效梁主

然之乃以太子舍人元貞為咸陽王

初貞父樹南奔已而北還被殺

貞遂

資以兵力貞渡江即位儀衛以乘輿之副給之

留梁

侯景敗東魏兵於渦陽

慕容紹宗既敗淵明遂引軍擊侯景景退保渦陽紹
宗士卒十萬鳴鼓長驅而進景命戰士皆被短甲執
短刀入東魏陳但低視斫人脛馬足東魏兵遂敗紹

宗奔譙城裨將斛律光

字明月金之子

張恃顯復進軍渦水

亦不利而還

戊辰四年東魏武定六年

春正月東魏慕容紹宗擊侯

景衆潰走襲據壽春

南史作壽陽考壽陽本壽春晉更名魏復舊故南北朝二名每互稱

梁以為南豫州牧

慕容紹宗以鐵騎五千夾擊侯景景誑其衆曰汝家

屬已為高澄所殺衆信之紹宗遥呼曰汝家屬並完

若歸官勲如舊景士卒不樂南渡遂大潰景與數騎

自硤石濟淮稍收散卒得步騎八百人晝夜兼行追

軍不敢逼使謂紹宗曰景若就擒公復何用紹宗乃

縱之景奔至壽春紹宗監南豫州事景黥

字務直開

門納之遂據其城

馬頭戍主劉神茂素為黥所不容開景敗將至故往侯之景問曰壽

陽去此不遠欲往投之韋黥其納我乎神茂曰監州耳王若至黥必出迎因而執之可以集事得城之後徐以啓開朝廷喜王南歸必不責也景執其子曰天教也遂行夜至城下黥投甲登陴不納景謂神茂曰事不諧矣對曰黥懦而寡智可說下也乃遣壽陽人徐思玉入說黥不許思玉曰國家付君以任闔外之畧若魏兵追至河南王見殺君豈得獨存縱存何顏以見朝廷邪黥乃開門納景景遣其將分守四關門詰責黥將斬之既而撫手大笑酒極歡

梁朝聞景敗咸以為憂詹事何

敬容言於太子曰得景遂死深為朝廷之福太子失色問其故敬容曰景翻覆叛臣終當亂國景遣使以

敗聞乞自貶梁主不許以景為南豫州牧

光祿大夫蕭介諫曰

侯景以凶狡之才荷高歡卵翼之遇歡墳土未乾即還反噬逆力不逮乃復逃死關西宇文不吝故復投身於我陛下前者所以受之正欲比屬國降胡冀獲一戰之效耳今既亡師失地直是境上之匹夫陛下使匹夫而棄與國臣竊不取若猶待其歲暮之效則彼棄鄉國如脫屣背君親如遺芥豈知遠慕聖德為江在之純臣乎梁主歡其忠而不能用蕭介字茂鏡思話之孫

二月東魏求成於梁

梁主亡於侯景
齊亡於侯景

始勸納景已得
種禍後既役勸
許更起求成攝
成叛變且更納
景金而不通其
啓于鄒陽羊祜
仁之告反又匿
其奏并執來使
是連景之反者
昇成景之亂者
亦昇也這乎景
已臨江猶謂必
無渡江之志始
終蒙蔽景遂以
亡此固亦邪誤
國之尤而梁主

高澄數遣書求好於梁梁主未之許澄乃令蕭淵明

奉啓於梁

先是淵明至鄒送于鄒陽高澄待之甚厚至是澄謂淵明曰若梁主不忘舊好諸人

並即遣還侯景家局亦當同

遣是是淵明遣人奉啓還梁梁主與朝臣議之朱昇

等皆以為便司農卿傅岐

字景平北地靈州人

獨曰此高澄設

間欲令侯景自疑而作亂耳若許通好正墮其計中

昇等固執宜和梁主亦厭用兵乃許之使還過壽陽

侯景知之攝問具服乃啓梁主曰高澄忌賈在翟惡

會居秦

春秋晉靈公時隋會于秦賈季在翟晉人患之見左傳

求盟請和冀除

甘受其毒獨何
心哉

其患若臣死有益萬殞無辭惟恐千載有穢良史又
致書於昇餉金三百兩昇納金而不通其啓梁主之
遣使弔澄景又啓曰臣與高氏隙已深今陛下復
與連和使臣何地自處梁主報之曰朕與公大義已
定豈有成而相納敗而相棄乎景乃詐為鄴中書求
以淵明易景梁主以朱昇言復書曰貞陽旦至侯景
夕返景謂左右曰我固知吳老公薄心腸王偉說景
曰今坐聽亦死舉大事亦死唯王圖之於是始為反

清輕之燕上汙
而為天萬古不
易者也若浮圖
氏所稱劫運則
又謬悠而不可
知仍此天地也
安得有裂之理
此蓋祖女媧煉
石補天之奇說
通變雷之變史

計

夏五月梁遣散騎常侍徐陵

字孝穆
揭之子

如東魏

復修好也

六月天裂於西北

長十丈濶二丈光出如電其聲若雷

秋七月庚寅朔日食

八月梁侯景反壽春梁主遣邵陵王綸督諸軍討之

侯景聞徐陵等使魏反謀益甚元貞知景有異志累

官好怪而甚其
詞轉云如電若
雷可

啓還朝景謂曰河北事雖不果江南何慮失之貞懼
逃歸建康具以事聞梁主不問景知臨賀王正德屢
以貪暴得罪陰養死士幸國家有變乃遣徐思玉致
牋曰天子年尊姦臣亂國大王屬當儲貳景雖不敏
實思自效正德大喜報之曰僕為其內公為其外何
有不濟機事在速今其時矣

合州刺史鄱陽王範客
啓景謀朱異以為必無

此理梁主乃報範曰景孤危時命安能反乎範復請
自以合肥之衆討之梁主不許朱異謂其使曰王遂
不許朝廷有一客即自是不復通範啓景邀羊祜仁
同反鶴仁執其使以聞異曰景何能為以使者付獄

亦主庸亮景久
一玩之股掌乃
口出大言適以
口惡可謂不知
分量者

欲解遠之景並無所憚啓梁主乞都督江西如不許
即帥甲騎向關起梁主遣使喻解之合州梁置治

合景遂反於壽陽以誅中領軍朱异少府卿徐驎太

子右衛率陸驗制局監周石珍為名

驎驗皆吳郡人
石珍丹陽人時

謂之异等皆以姦佞驕貪蔽主弄權為時所疾故景

託以興兵梁主聞景反笑曰是何能為吾折箠笞之

耳詔以鄱陽王範封山侯正表

臨川王
宏字

司州刺史柳

仲禮

慶遠
之孫

散騎常侍裴之高

字如山
遠兄子

為四道都督邵

陵王綸持節兼督衆軍以討景

冬十月梁臨賀王正德叛引侯景兵渡江梁主命宣城

王大器

字仁宗太子綱長子

將軍羊侃督軍禦之

侯景聞臺軍討已問策於王偉偉曰邵陵若至必為所困不如決志東向直掩建康臨賀反其內大王攻其外天下不足定也兵貴神速今宜即進乃詐稱出

獵十月襲譙州

梁置今江南滁洲是

執刺史蕭泰攻歷陽太守

莊鐵以城降說景速趨建康景乃以鐵為導引兵臨江梁主問策於尚書羊侃侃以一千人急據采石令

邵陵王襲取壽陽使景進不得前退失巢穴烏合之
衆自然瓦解朱异曰景必無渡江之志遂寢其議侃
曰今茲敗矣梁主以正德督諸軍屯丹陽正德遣大
船數十艘詐稱載荻密以濟景景遂自橫江濟於采
石有馬數百匹兵八千人是夕梁朝始命戒嚴景分
兵襲姑孰至慈湖建康大駭梁主悉以內外軍付太
子以宣城王大器都督城內諸軍事羊侃為軍師將
軍副之是時梁興四十七年境內無事賊至猝迫公

私駭震軍旅指搆一決於侃侃膽力俱壯太子深仗之

蕭正德引侯景圍梁臺城十月景以正德稱帝

景至朱雀桁南太子猶未知正德之情使守宣陽門

度信

字子山
肩吾子

守朱雀門欲開大桁以挫賊鋒正德止

之俄而景至信乃帥衆開桁見景軍皆鐵面遂棄軍

走正德之黨復閉桁度景正德帥衆迎之

先是大同
中童謡曰

青絲白馬壽陽來至是景乘
白馬青絲為響欲以應謡云

景軍乘勝至闕下城中

恟懼羊侃詐稱得射書云邵陵王綸西昌侯淵藻援兵已至近路衆乃少安石頭降景景遣於悅守之列兵繞臺城百道俱攻羊侃隨機禦之

景作未驗數百攻城城上

投石碎之景更為尖頂石不能破侃使作雉尾炬灌以膏蠟叢柳焚之

景攻既不克士

卒死傷多乃築長圍以絕內外侃子驚為景所獲執以示侃侃曰我傾宗報主猶恨不足豈計一子幸早殺之數日復持來侃引弓射之景以其忠義亦不之殺十一月朔正德即帝位以景為丞相景攻東府三

日克之聲言梁主已殂雖城中亦以為然太子請梁

主巡城衆心粗安

先是景之濟江也南津校尉江子一欲以舟師邀景會其衆潰子一

奔還梁主皆棄子一拜謝曰臣以身許國常恐不得其死今所部皆棄臣去臣以一夫安能擊賊若賊遂能至此臣誓當碎身以贖前罪至是與弟左丞子四東宮主帥子五帥所領百餘人開門出戰子一直抵賊營徑前刺賊從者不繼賊解其肩而死子四子五相謂曰與兄俱出何面獨旋皆免肯赴賊死臨川太守陳昕奉敕守朮石未至而景濟已為景所擒欲用之昕不可景使其黨苑桃捧因之昕因說桃捧使殺王偉宋子仙而降桃捧從之潛造昕夜縋入城梁主大喜錫段恭賜桃捧許以封王即有景衆太子恐其詐召公卿會議不即開門俄而桃捧竟泄景拉殺之陳昕不知如期而去景遣使射書城中言桃捧今入

時即計成賊徒
景而諸王聞焉
北提還境集
已難延一綫矣

况區區陳所苦
心求濟乃猶為
簡文狐疑簡事
時勢尚可為耶

因裴甲隨之所不肯期以必死景乃殺之 江子
一字元亮濟陽考城人陳所字君章慶之之子

梁荊州刺史湘東王繹移檄邊兵赴援

荊州刺史湘東王繹移檄所督湘州刺史河東王譽

雍州刺史岳陽王譽江州刺史當陽公大心

字仁恕
大器之

弟 郢州刺史南平王恪

字敬則
偉之子

等發兵入援繹自將

銳卒三萬發江陵

先是侯景募人奴降者悉免為良
得朱异奴以為儀同三司使乘良

馬衣錦袍於城下仰詔异曰汝五十年仕宦方得中

領軍我始事侯王已為儀同矣於是三日之中异奴

出就景者以千數景皆厚撫之爭為之致死至是异

遣景書為陳禍福景報書并告城中士民曰梁自近

歲以來權倖用事割剝齊民以供嗜欲公等試觀今日國家池苑王公第宅僧尼寺塔及在位庶僚姬姜百室僕從數千不耕不織錦衣玉食不奪百姓從何得之僕所以超赴闕庭指陳權倖非頌社稷今城中指望四方入援吾觀王侯諸將志在全身誰能竭力致死與吾爭勝負哉

梁邵陵王綸還軍赴援侯景擊之大潰

邵陵王綸行至鍾離聞侯景已渡采石晝夜兼道旋

軍入援遂率步騎三萬自京口西上景遣軍拒之前

譙州刺史趙伯超曰若從黃城大路必與賊遇不如

徑指鍾山

在今江寧府上元縣東北亦曰蔣山吳孫權避祖諱更名

突據廣莫門

出賊不意城圍必解矣綸從之夜行失道迂二十餘里旦營於蔣山景見之大駭悉送所掠婦女珍寶於石頭具舟欲走分兵攻綸綸與戰破之景陳兵於覆舟山北綸進軍元武湖

在上元縣北亦曰後湖

相持不戰至暮

景更約明日會戰綸許之安南侯駿

字德頴長沙王懿之子

見

景軍退以為走即與壯士逐之景旋軍擊之駿敗走

趣綸軍景乘勝追擊之諸軍皆潰綸奔朱方

景擒西豐公大

春主帥霍俊等還至城下使言曰鄧陵已為亂兵所殺俊獨曰王小失利已全軍還京口城中但堅守援

軍尋至賊以刀毆其背俊辭色彌厲正德殺之時鄱陽王範將兵入援軍於蔡洲封山侯正表鎮鍾離叛附侯景景以為郢王正表乃於歐陽立柵以斷援軍帥衆欲襲廣陵廣陵令劉詢以告南袁州刺史南康王會理十二月會理使詢帥兵夜襲正表破之朱方歐陽注俱見前西豐公大春字仁經大心之弟封山侯正表正德之弟

梁將軍羊侃卒

先是侯景於臺城東西起二土山以臨城城中亦起土山以應之會大雨城內土山崩賊乘之垂入羊侃令多擲火為火城以斷其路徐於內築城賊不能進

至是侃以疾卒城中益懼

已而景土山稍逼城中右衛將軍柳津命作地道以

取其土外山崩壓賊且盡景乃棄土山自焚其攻其引元武湖水以灌城中闕前皆為洪流柳津字元

舉仲禮

之父

梁散騎常侍韋粲

字長倩放之子

及東西道都督裴之高柳仲

禮等各以兵入援推仲禮為大都督

梁主徵衡州刺史韋粲為散騎常侍以歐陽頎

字靖世長

沙臨相人

監州事粲至廬陵

漢縣吳置郡今仍為縣為江西吉安府治

聞亂簡

閱部下得精兵五千倍道赴援至豫章聞景已渡江

內史劉孝儀

名潛以字行勳之孫

置酒粲怒以杯抵地曰賊已

渡江便逼宮闕韋粲今日何情飲酒即馳馬出行至

南洲外弟司州刺史柳仲禮亦率步騎至橫江粲即

送糧伏併散私財以賞其戰士裴之高自張公洲

即

洲

遣船渡江粲仲禮及羊鴉仁等合軍屯新林粲議

推仲禮為大都督裴之高自以年位耻居其下粲單

舸至之高營切讓之曰今二宮危逼猾寇滔天臣子

當戮力同心豈可自相矛盾豫州必欲立異鋒鎗便

有所歸之高垂泣致謝遂推仲禮為大都督

景因之高弟姪

子孫列于陣前以鼎戩刀銘隨其後謂曰裴公不降今即烹之之高召善射者使射其子不中

仲禮

以晦夜入粲營部分軍衆旦日會戰諸將各有據守

仲禮謂粲曰青塘

即青溪塘青溪注見前

要地非兄不可乃令

粲頓青塘

已梁太清三年魏大統十已五年東魏武定七年

春正月侯景襲梁援軍韋粲

死之柳仲禮擊景敗之

正月朔柳仲禮徙營大桁會大霧韋粲軍迷失道比

及青塘夜已過半立柵未合侯景亟帥銳卒攻之衆使軍主鄭逸逆擊之命直閣將軍劉叔允以舟師截其後叔允不敢進逸遂敗景乘勝入衆營左右牽衆避賊衆不動叱子弟力戰遂與子尼及弟助警搆從弟昂皆戰死親戚死者數百人仲禮方食投箸被甲與其麾下百騎馳往救之與景戰大破之斬首數百級溺死千餘人仲禮稍將及景賊將自後斫仲禮中肩景得免自是不敢復濟南岸仲禮亦氣索不復言

戰矣

邵陵王綏復收散卒自東道至列營術南亦推柳仲禮為大都督

梁中領軍朱异死

朝野以侯景之禍共尤朱异异慚憤而死梁主痛惜

特贈僕射

初侯景叛傳岐以所聞責异异曰外間謗猶知之久矣心苟無愧何惜人言岐謂人

曰朱彦和特死矣特諂以求容肆辯以拒諫聞難而不懼知惡而不改天奪其鑒其能久乎及景圍臺城梁主登而樓望賊謂异曰四郊多壘誰之罪與异流汗不能對遂發病死

梁北徐州刺史蕭正表以州叛降東魏

梁援軍擊侯景天門

注見前

太守樊文皎戰死

臺城與援軍信命久絕

時有羊車兒獻策作紙鳶載救因風放之賊以為厭勝射

下援軍募人能入城送啓者李朗請先受鞭詐為得

罪叛投賊因得入城城中方知援兵四集舉城鼓譟

諸軍渡淮攻東府前柵焚之高州刺史李遷仕及樊

文皎帥銳卒五百獨進深入所向摧靡至荻首橋

在青

漢上東景將宋子仙伏兵擊之文皎戰死遷仕遁還仲

禮神情傲狠陵蔑諸將邵陵王綸每日執鞭至門亦

移時不見由是與綸及諸將有隙互相猜阻莫有戰

心援軍初至建康士民扶老攜幼以侯之繞過淮即縱兵剽掠由是士民失望賊中有謀應官軍者聞止之亦

二月梁以侯景為大丞相與之盟敕止援軍湘東王繹

次于武城

在今湖北漢陽府黃陂縣水經注武口水南至武城入大江即此

時援軍四集王偉因勸景偽表求和

初臺城之閉也公卿以食為念

男女貴賤並出負米取諸府藏錢帛聚德陽堂而不備薪芻魚鹽至是壞尚書省為薪徹薦到以飼馬軍士或煮鎗熏鼠捕雀而食之屠馬於省殿間雜以人肉食者必病侯景衆亦機抄掠無所獲東城有米可支一年援軍斷其路景甚患之王偉請偽求和以緩其勢運米入石頭然後休士息馬繕修器械伺其懈

犯關許和勅止
援軍是延賊入
門又自絕其外
謀也梁武賄贖
雖有和不如死
之見而幸於簡
文之請卒成和
議所謂天奪其
魁者

息擊之景乃
拜表求和

太子白梁主請許之梁主怒曰和不如

死太子固請梁主遲回久之乃曰汝自圖之勿令取

笑千載遂報許之景乞割江右四州之地并求宣城

王大器出送然後濟江中領軍傅岐固爭曰豈有賊

舉兵圍宮闕而復與之和乎此特欲却援軍耳且宣

城嫡嗣之重國命所繫豈可為質梁主乃以大器之

弟石城公大款質於景敕諸軍不得復進詔以景為

大丞相豫州牧設壇門外遣僕射王克

或之
曾孫

與王偉

等盟既盟而景圍不解專修鎧伏了無去志

南康王會理等

至馬邛州景請敕還南岸太子從之景又啓曰永安侯確直闇趙威方頗隔柵見詔云天子自與汝盟我終當破汝乞召確及威方入即當引路梁主召確確累辭不入邵陵王綸泣謂確曰圍城既久聖主憂危臣子之情切於湯火故且盟而遣之更申後計成命已決何得拒違確曰侯景雖云欲去而不解長圍其意可見入城何益綸大怒欲斬之確乃流涕入城梁主常蔬食至是蔬茹皆絕乃食雞子綸乃因使上雞

子數百枚

馬邛州在江寧府上元縣

湘東王繹軍

西北永安侯確字仲正邵陵王綸子

於郢州之武城河東王譽

湘州刺史率軍青草湖湖在今湖北岳州府巴

陵縣西南洞

桂陽王慆

字元貞簡王融孫為信州刺史

庭之南溪也

史軍西峽口

梁信州今四

川夔州府是西峽即西陵峽也

皆託言四方援兵未集淹留不進

參軍

蕭賁骨鯁士也以繹不早下心非之常與繹雙六食子未下賁曰殿下都無下意繹深銜之會得梁主敕繹欲旋師賁曰景以人臣舉兵向闕今若放兵童子能斬之矣必不為也大臣以十萬之衆未見賊而退奈何繹不欲未幾因事殺之雙六古博戲之變子宜雙行理宜得六故名曰雙六

三月侯景陷梁臺城自稱大都督錄尚書事邵陵王綸奔會稽柳仲禮等叛降景景廢蕭正德以為大司馬已而殺之

侯景既運東府米入石頭援軍復不相統壹王偉乃

說景背盟景遂啓陳梁主十失梁主覽啓慚怒三月

朔城內設壇告天地以景違盟舉烽鼓譟

初閉城之日男女十

餘萬振甲者二萬餘人被圍既久死者十八九乘城不滿四千人率皆羸喘衆心猶望外援柳仲禮唯聚妓置酒作樂諸將日在請戰仲禮不許安南侯駿說邵陵王綸曰城危如此而都督不救若萬一不虞殿下何顏自立於世今宜分軍為三道出賊不意攻之可以得志綸不從仲禮父津登城謂仲禮曰汝君父在難不能竭力百世之後謂汝為何仲禮亦不以為意梁主問策於津對曰陛下有邵陵臣有仲禮不忠不孝賊何由平南康王會理與羊鴉仁趙伯超等進營於東府城北約夜渡軍為景所敗於是景復攻城晝夜不

息邵陵世子堅屯太陽門終日蒲飲不恤吏士其書

佐董勛輩白曇朗

通鑑作熊曇朗今依南史侯景傳

夜引景衆登城

永安侯確力戰不能却乃排闥入啓梁主云城已陷

梁主安卧不動歎曰自我得之自我失之亦復何恨

因謂確曰速去語汝父多以二宮為念景入見於太

極東堂以甲士五百人自衛稽顙殿下典儀引就三

公榻梁主神色不變問曰卿在軍中日久無乃為勞

景不敢仰視汗流被面復至永福省見太子太子亦

無懼容侍衛皆驚散惟徐搗殷不害

字長卿陳郡長平人

侍側

搗謂景曰當以禮見景乃拜退謂其黨曰吾常跨鞍對陣矢刃交下而意氣安緩了無怖心今見蕭公使人自慙豈非天威難犯吾不可以再見之於是悉撤兩宮侍衛縱兵掠乘輿服御宮人皆盡收朝士王侯送永福省矯詔大赦自加大都督中外諸軍錄尚書事以詔命解外援軍柳仲禮召諸將議之邵陵王綸曰今日之命委之將軍仲禮熟視不對裴之高王僧

辯曰將軍擁衆百萬致宮闕淪沒正當悉心決戰何
所多言仲禮竟無一言諸軍乃散綸奔會稽仲禮及

羊鴉仁王僧辯趙伯超並開營降賊軍士歎憤

仲禮等入

城先拜景而後見梁主梁主不與言
見津津勤恨曰汝非我子何勞相見

景遣仲禮歸司

州僧辯歸竟陵初臨賀王正德與景約平賊之日不
得全二宮及城開正德率衆揮刃欲入景先使其徒
守門乃不果入景乃以正德為大司馬正德入見梁
主拜且泣梁主曰啜其泣矣何嗟及矣已而正德怨

景賣已密書召鄱陽王範使以兵入景遮得其書繼殺之

梁湘東王繹歸江陵殺桂陽王慄

初梁張纘

字伯緒弘策之子

為湘州刺史梁主以河東王譽

代之徙纘代岳陽王譽刺雍州纘素恃才輕譽譽深

銜之及至州留纘不遣纘輕舟夜遁將之雍部後慮

譽拒之纘與湘東王繹有舊欲因之以殺譽兄弟乃

如江陵及臺城陷諸王各還州鎮譽歸湘州信州刺

史桂陽王慥留軍江陵欲待繹至拜謁乃還繹遺繹書曰河東欲襲江陵岳陽共謀不逞江陵軍士朱榮亦遣其使告繹云桂陽留此欲應譽警繹懼自蠻中步道馳歸江陵因慥殺之荆湘由是搆隙

繹厚資遣繹赴鎮警

初不赴援間臺城已陷遂執繹後為守門者所殺

梁宣城吳興起兵拒侯景

侯景遣董紹先至廣陵南康王會理以州授之遣于

子悅略吳郡太守袁君正

昂之子

以郡降

紹先子悅所將皆羸兵數

百廣陵僚佐說會理投紹先發兵拒守與魏連和會
理不能用新城戍主戴僧遇勸君正閉關拒賊賊乏
食立可餓死君正亦不從新城吳景又遣來亮入
縣晉以後因之今屬浙江杭州府

宛陵宣城太守楊白華

一名華魏將大眼子奔於誘
梁胡三省注華讀作花

而斬之景遣其將李賢明攻之不克御史中丞沈浚

字叔源

避難東歸與吳興太守張嶷

字四山起兵討
稷之子

武康人

景景號令所行唯吳郡以西南陵

注見前以北而已
景後

攻宣城白華力屈乃

降景以其北人釋之

東魏攻魏潁川魏人擊之殺其將慕容紹宗劉豐生

東魏高岳及慕容紹宗劉豐生等攻魏王思政於潁川踰年不克豐生建策堰洧水

注見前

以灌之城多崩

顏王思政身當矢石與士卒同勞苦城中泉涌懸釜而炊宇文泰遣趙貴督東南諸州兵救之阻水不得前東魏人使善射者乘大艦臨城射之城垂陷紹宗豐生臨堰視之暴風忽至飄船向城城上人以長鉤牽船弓弩亂發二人俱死

夏五月梁主衍殂太子綱立

梁主為侯景所制飲膳亦為裁節憂憤成疾口苦索

蜜不得再曰荷荷遂殂

年八十六

景秘不發喪太子嗚咽

流涕不敢泄聲既而發喪遂即位立宣城王大器為

太子

是冬華武帝於修陵廟號高祖初高祖之末建康士民爭尚豪華糧無半年之儲常資四方委

輸及侯景亂道路斷絕人至相食不免餓死存者百無一二貴戚豪族皆自出採稻填委溝壑不可勝紀

六月梁湘東王繹殺太常卿劉之遴

字思貞南陽涅陽人

初侯景將使之遴授遴賀王正德璽綬之遴剃髮僧

服而逃之遴博學能文嘗為湘東王繹長史將歸江

陵行至夏口繹素嫉其才密送藥殺之而自為誌銘
厚其賻贈

東魏高澄克潁川以王思政歸魏師還

東魏高岳既失慕容紹宗等志氣沮喪不敢復逼長

社

潁川郡治

陳元康言於高澄曰王自輔政以來未有殊

功今潁川垂陷願王自以為功澄從之自將攻長社

親臨作堰堰三決澄怒推負土者及囊并塞之城中

無鹽寧腫死者什八九水入城壞澄令城中曰有能

生致王大將軍者封侯若有損傷左右皆斬王思政
帥衆據土山告之曰吾力屈計窮惟當以死謝國因
仰天大哭西向再拜欲自刎衆共執之不得引決澄
遣趙彥深執手申意延而禮之潁川既陷宇文泰以
侯景所獻諸城道路阻絕令諸將拔軍還

高澄遇思政甚重祭

酒盧潛曰思政不能死節亦何足重澄曰我有
盧潛乃是更得一王思政潛度世之曾孫也

梁湘東王繹自稱假黃鉞大都督中外諸軍承制

梁永安侯確謀討侯景不克而死

景愛永安侯確之勇常寘左右邵陵王綸潛遣人呼之確曰景輕佻一夫力耳我欲手刃之恨未得其便卿還啓家王勿以確為念景與確遊鍾山確引弓射鳥因欲射景弦斷不發景覺而殺之

梁湘東王繹使其世子方等

字實相

攻湘州刺史河東王

譽譽擊之方等敗死秋七月繹復遣信州刺史鮑泉

字潤

岳東海人擊譽

梁湘州刺史河東王譽驍勇得士心湘東王繹將討

侯景遣使督其糧衆譽不受令繹世子方等請討之

方等徐妃所出妃多失行故方等亦無寵侯景圍臺城方等將兵入援每戰親當矢石以死節自任及城陷還江陵收集士馬甚得衆和繹始歎其能

繹乃以少子方矩

字得規

代譽

使方等將兵送之至麻溪

在今長沙府長沙縣北水經注湘水又東合麻溪水

口即譽擊之方等軍敗溺死方矩收餘衆還

先是繹以方等

之能入告徐妃妃不對垂泣而退繹怒疏妃穢行謗於大閭方等見之益懼及方等敗死繹無戚容會寵妃王氏生子而卒繹疑徐妃

繹復遣竟陵太守王僧

為之逼令自殺妃赴井死

辯信州刺史鮑泉擊譽刻日就道僧辯請申期繹怒

斫之幾死仍送獄泉遂將兵獨行

梁合州刺史鄱陽王範以州附於東魏以乞師

範聞臺城陷戒嚴欲入僚佐咸說之曰今魏人已據

壽陽大王移足則虜必窺合肥範乃止會高澄遣李

伯穆逼合肥範方謀討侯景藉東魏為援乃以合州

輸伯穆送二子於鄴以乞師出屯濡須以待上游之

軍久之不至東魏亦不為出師範糧乏進退無計乃

西軍縱陽

範遣信告江州刺史尋陽王大心大心以湓城處之既至與大心相猜大心築壘以備之

市糴不通，範衆無所得食，多餓死。範憤愧而卒。樞陽、湓城注俱見前。

盜殺東魏大將軍高澄於鄴。

先是高澄如鄴，封齊王，加殊禮，將佐請受之。陳元康以

為未可，至是澄復詣鄴。

澄謂濟陰王暉業曰：「比讀何書？」暉業曰：「數尋伊霍之傳，不

讀曹馬之書。

澄前獲梁衡州刺史蘭欽。

字休明，中昌魏人。

之子京

以為膳奴，欽請贖之，不許。京屢自訴，澄杖之曰：「更訴。」

當殺汝京，遂與其黨六人謀作亂。會澄與陳元康揚

情，崔秀舒屏左右謀受禪。京進食，寘刀盤下，殺之。情

季舒走匿元康以身蔽澄亦被傷

是夕卒

初澄以太原

公洋次長忌之洋深自晦匿每退朝閉閣靜坐雖對

妻子或竟日不言及變起洋聞之神色不動入討羣

賊斬而嚮之秘不發喪勲貴以重兵皆在并州勸洋

早如晉陽洋從之夜召督護唐邕

字道和晉陽人

使部分將

士鎮遏四方須臾而畢

東魏主聞澄死竊謂左右曰大將軍死似是天意威權當

復歸帝室矣洋留高岳高隆之司馬子如楊惜守鄴
入謁東魏主從甲士八千人登階者二百餘人皆攘
袂扣刃若對嚴敵令主者傳奏曰臣有家事須詣晉
陽再拜而出東魏主失色目送之曰此人又似不相

容朕不知
死在何日

九月侯景陷吳興梁太守張嵎御史中丞沈浚死之

景使侯子鑒寇吳興吳興兵力寡弱張嵎書生不閑
軍旅或勸嵎劾袁君正迎降嵎歎曰袁氏世濟忠貞
不意君正一旦墮之吾豈不知此難久全但以身許
國有死無貳耳戰敗還府整服安坐子鑒執送建康
景欲活之嵎曰吾忝任專城朝廷傾危不能匡復速
死為幸景猶欲存其一子嵎曰吾一門已在鬼錄不就

爾虜求恩景怒盡殺之并殺沈浚

初景既背盟又復請和高祖遣浚詣

景所浚見景無去志發憤責之景橫刀於膝嗔目叱之浚曰負恩亡義違棄詛盟固天地所不容沈浚五十之年常恐不得死所何為以死相懼邪因徑去不顧景以其忠直捨之及是卒被殺

梁岳陽王詵攻江陵湘東王繹遣兵襲襄陽詵遁還繹使竟陵太守王僧辯攻湘州

鮑泉攻湘州河東王譽迎戰而敗退保長沙泉聞之

岳陽王詵留叅軍蔡大寶

字敬位濟陽考城人

守襄陽帥衆伐

江陵以救湘州湘東王繹大懼時新興

晉僑郡隋改縣曰安興唐

省故城在今荆
州府江陵縣

太守杜蒯

杜陵人懷
實之子

在答軍繹與之

有舊密邀之蒯帥所部降其兄岸請以五百騎襲襄

陽距城三十里城中始覺蔡大寶奉答毋登城拒戰

答聞之遁還岸亦走繹出王僧辯於獄代泉攻長沙

邵陵王綸致書於繹曰今杜稷危耻創巨痛深惟應

剖心膏膽泣血枕戈其餘小忿或宜容寬若外難未

除家禍仍構料今訪古未或不亡夫征戰之理唯求

克勝至於骨肉之戰愈勝愈酷勞兵損義虧失多矣

弟若陷洞庭不戢兵刃雍州疑迫何以自安必引魏

軍以求形援弟若不安國家去矣繹不從綸流涕曰

天下之事一至於斯湘

州若敗吾亡無日矣

冬十一月梁湘東王繹遣兵攻襄陽岳陽王詵乞師於魏魏遣開府楊忠率師救之

詵既與湘東王繹為敵恐不能自存遣使求援於魏

請為附庸繹使柳仲禮鎮竟陵以圖詵詵懼遣其妃

王氏及世子寮

字道遠

為質於魏宇文泰欲經略江漢以

楊忠都督三荆

注見前

諸軍鎮穰城仲禮帥衆趣襄陽泰

遣忠及僕射長孫儉

本名慶明
高五世孫

將兵擊仲禮以救詵

十二月侯景陷錢塘會稽執梁刺史南郡王大連

字仁靖大

弟 歎之

宋子仙陷錢塘乘勝渡浙江至會稽邵陵王綸奔鄱
陽時會稽豐沃勝兵數萬糧仗山積東人懲侯景殘
虐咸樂為用而大連朝夕酣飲不恤軍士司馬留異
東陽長 凶狡殘暴為衆所患大連悉以軍委之子仙
山人
至大連棄城走異以兵衆降為子仙鄉導追及大連
執送建康大連猶醉不之知於是三吳
盡沒於景

吳郡吳興會稽是為三吳

梁始興太守陳霸先起兵討侯景

先是梁廣州刺史元景仲

法僧之子

謀應侯景

景以景仲元氏之族

遣信許

陳霸先以兵討之景仲敗死霸先迎定州

見注

奉為主

前刺史蕭勃

吳平侯景之子

鎮廣州勃以霸先監始興郡事

至是霸先結郡中豪傑將討景遣杜僧明將二千人

頓於嶺上勃遣人止之霸先曰京都覆沒君辱臣死

君侯體則皇枝任重方岳不能赴援遣僕一軍猶賢

乎已而更止之乎乃遣使間道詣湘東王繹受節度

霸先至大庾嶺南康土豪蔡路養以兵拒之其黨蕭
摩訶年十三單騎出戰無敢當者霸先擊之路養敗
走摩訶降霸先遂進軍南康湘東王繹承制以霸先
為交州刺史大庾嶺南康注俱見前蕭摩訶字元
允蘭陵人

東魏取梁司州

先是梁東徐北青州

梁於下邳郡置東徐州又於東海懷仁縣置南北二青州下邳

注見前懷仁廢縣在今海州贛榆縣

皆降於東魏東魏遂取梁青州

即南

青州及山陽郡

今淮安府是

已而又取淮陰

注見前

至是復取

司州於是東魏盡有淮南之地

庾梁太宗簡文帝綱大寶元年魏大統十六年東魏武
平定八年齊顯祖文宣帝高洋天保元年是歲東魏
亡齊
代春正月東魏高洋自為丞相都督中外諸軍錄尚

書事封齊王

梁郡陵王綸至江夏自稱都督中外諸軍承制

綸自鄱陽進至九江尋陽王大心以江州讓之綸不
受引兵西上至江夏南平王恪以郢州讓之亦不受
乃推綸為假黃鉞都督承制

梁祖皓暉之子起兵廣陵殺侯景將董紹先二月景陷廣

陵皓死之

廣陵人來嶷

山 宇德

說前太守祖皓曰董紹先輕而無

謀人情不附襲而殺之此壯士之任耳今欲糾帥義

勇奉戴府君若其克捷可立桓文之勲必天未悔禍

猶足為梁忠臣皓曰此僕所願也乃相與糾合勇士

百餘人襲廣陵斬董紹先馳檄遠近推蕭勔

勔之弟為

刺史景遣郭元建攻之皓城固守未幾城陷皎被執

景車裂之遂屠廣陵嶷闔門皆被害

一子逃免
後仕於陳

魏師進次石城

注見前

梁湘東王繹請盟魏師還

先是魏楊忠圍梁安陸柳仲禮馳還救之兵敗被執
安陸竟陵皆降於忠於是漢東盡入於魏至是忠乘
勝至石城欲進逼江陵梁湘東王繹遣舍人庾恪說
忠曰營來伐叔而魏助之何以使衆歸心忠遂停津
北津一作建今荆門州有建水亦曰建陽河繹請送質求和魏人許之乃
盟而還

梁旱蝗

時江南連年旱蝗江揚尤甚百姓流亡草根木葉食之皆盡富室或衣羅綺懷金玉而死白骨成聚如邱隴焉

夏四月梁王僧辯克湘州殺河東王譽

初湘東世子方等之死湘州將周鐵虎

陳書本傳不知何許人南

史功最多譽委遇甚重至是僧辯得鐵虎命烹之呼

曰侯景未滅奈何殺壯士僧辯竒其言而釋之

梁湘東王繹移檄討侯景

繹聞高祖之喪以長沙未下匿之至是始發喪刻檀
為高祖像事之甚謹動靜必咨也以天子制於賊臣
不肯從大寶之號猶稱太清四年下令大舉討侯景
移檄遠近

五月東魏高洋稱皇帝廢東魏主善見為中山王

東魏主在

位十七
年而亡

東魏徐之才

丹陽人

宋景業

廣宗人

善圖識因高德政

字士

貞勛海勸齊王洋受魏禪

先是童謡曰一東葉兩頭然河邊殺雞飛上天葉然

兩頭於文為高河邊殺韃為水邊羊
齊王名也於是之才等勸洋受禪

洋以告婁太妃

太妃曰汝父如龍汝兄如虎猶以天位不可妄據終
身北面汝獨何人欲行舜禹之事乎洋以告之才之
才曰正為不及父兄故宜早升尊位耳

洋使德政如
鄴未還即擁

兵而東至平都城召諸勲貴議之莫敢對長史杜弼
曰關西國之勲敵今若受禪彼必挾天子稱義兵而
東王何以待之乎徐之才曰彼亦欲為王所為縱其
屈疆不過隨我稱帝耳弼無以應德政至鄴公卿莫
有應者司馬子如逆洋於遼陽固言未可洋遂還居
常不悅景業復勸之

平都城在今山西遼州和順

縣遼陽今洋乃發晉陽東魏進洋位相國總百揆備
遼州是

九錫洋至鄴使侍中張亮等見東魏主逼以禪位魏主歛容曰推挹已久今當遜避乃下御座步就東廊詠後漢書獻帝贊求入與六宮別舉宮皆哭直長趙道德以故犢車一乘送出雲龍門百僚拜辭遂遷於北城遣彭城王韶等奉璽綬禪位於齊齊王洋即皇帝位於南郊封東魏主為中山王

追尊獻武王文襄王皆為皇帝獻武

廟號高祖尊王太妃為皇太后降魏朝封爵有差是月齊主立趙郡李希宗女為皇后后子殷為太子

梁武陵王紀遣其世子圓照

字明周

將兵赴援次於白帝

譽雖為湘東所
逼然舍宗邦而
朝敵國卒致蒙
成骨肉廟社邱
墟其罪實浮于
繹矣作史者以
其子孫仕唐顯
貴遂多恕辭豈
得為直筆哉

時梁境唯荆益所部尚完實益州刺史武陵王紀移
告征鎮使世子圓照帥兵受湘東王節度繹授以信
州刺史令屯白帝未許東下

魏立蕭譽為梁王譽朝於魏

魏人欲令岳陽王譽發哀嗣位譽辭乃遣使命譽為

梁王建臺置百官譽遂入朝於魏

譽自是為
北朝附庸

梁高州刺史李遷仕反高涼

後漢郡梁為高州治故太
城在今肇慶府陽江縣

守馮寶妻洗氏討敗之

梁高涼太守馮寶故北燕主弘之族也

初北燕主弘奔高麗使其

族人馮業以三百人浮海奔宋因留新會自業至孫

融世為羅州刺史融子寶為高涼太守新會宋郡

隋改為縣今屬廣州府羅州梁置娶高涼洗氏氏多

治石龍故城在今高州府化州

壽畧善用兵部衆皆服之高州刺史李遷仕遣使召

寶寶欲往洗氏止之曰刺史無故不應召太守此必

欲誅君共反耳且無往以觀其變數日遷仕果反遣

主帥杜平虜將兵逼南方陳霸先使周文育擊之洗

氏謂寶曰平虜今與官軍相拒勢不得還遷仕在州

無能為也君宜遣使卑辭厚禮告以欲遣婦參彼必

喜而無備我將千餘人步擔雜物唱言輸賾

蠻人以貨為賾

得至柵下破之必矣竇從之遷仕果不設備洗氏襲

擊大破之遷仕走保寧都

吳新都縣宋改名今為州隸江西

文育亦

擊走平虜據其城

洗氏與霸先會於賴石還謂竇曰陳都督非常人也甚得衆心必能

平賊宜厚資之明年二月霸先擊斬遷仕進兵江州

湘東王繹以為江州刺史

賴石即今賴江之十八

灘灘多巨石陳書高祖

紀所云南康賴石是也

秋七月侯景陷江州及豫章

初東魏遣牒云洛

牒云代北複姓洛武川人

等迎鄴陽世子嗣

字長

睿使鎮皖城未行侯景遣任約將兵寇江州洛等引

去嗣失援敗死約遂畧地至湓城尋陽王大心出兵戰

敗遂以州降鄴陽將侯瑱

字伯玉巴西人

據豫章景遣於慶

畧地南至瑱力屈亦降景以瑱同姓待之甚厚質其

妻子遣隨慶徇蠡南

彭蠡之南諸郡

齊定律始立九等戶

戶有上中下三等每等又分上中下是為九等

齊主初立勵精為治趙道德以事屬黎陽太守房超

清河人 超不繫書培殺其使齊主善之命守宰各設培

以誅屬請之使久之中郎宋軌奏曰若受使請賊猶
致大戮身為枉法何以加罪乃罷之尋詔僕射薛淑
等取魏麟趾格討論損益以為齊律簡練六坊之人
每一人必當百人任

保任也

其臨陳必死然後取之謂

之百保鮮卑又簡華人勇力者謂之勇士以備邊要
始立九等之戶富者稅其錢貧者役其力

九月梁湘東王繹取郢州邵陵王綸奔齊昌

南齊郡今黃州府蘄

是州侯景兵襲之綸遂奔齊齊以為梁王

邵陵王綸大修鎧仗將討侯景湘東王繹惡之遣王

僧辯鮑泉帥舟師襲之至鸚鵡洲

在今武昌府江夏縣西南江中綸

遣其子璦將兵擊之且以書責僧辯曰將軍前年殺

人之姪今歲伐人之兄以此求榮恐天下不許僧辯

送書於繹繹命進軍綸乃集其麾下於西園涕泣言

曰我本無他志在滅賊湘東常謂與之爭帝遂爾見

伐今日欲守則交絕糧儲欲戰則取笑千載不容無

邵陵書喻湘東
執言尚正即西
園涕泣亦頗自
知慟心柳津乃
以不忠不孝與
仲禮並譏持論
不無矯激然觀
綸終于降齊苟
免則畏首畏尾
亦不過彼善於

此而已

事受縛當於下流避之麾下壯士爭出請戰不從綸

與礮登舟北出僧辯入據郢州繹以其世子方諸

明字

智為刺史綸與左右輕舟奔武昌已稍收散卒屯於

齊昌遣使請降於齊齊以綸為梁王任約進寇西陽

注見武昌綸引齊兵未至移營馬柵在今黃州府黃岡縣北距

西陽八十里任約聞之遣叱羅通叱羅代北複姓通名等襲之

綸不為備策馬亡走至汝南晉僑郡故城在今武昌府江夏縣水經注晉咸

和中戶口南魏城主李素綸故吏也聞城納之任約

渡因置斯郡

遂據西陽武昌

綸在汝南脩城池集士卒將圖安陸
魏宇文泰遣楊忠攻拔汝南執綸殺

之投屍江崖岳陽

王答迎葬襄陽

侯景自稱漢王

景又自加宇宙大將軍都督六合諸軍事梁主驚曰
將軍乃有宇宙之號乎

冬十月魏宇文泰伐齊不戰而還洛陽平陽皆降於齊

泰以齊主稱帝伐之自恒農為橋濟河至建州

此西魏僑

置之州今絳州絳縣是

齊主自將出頓東城

在今太原府太原縣汾水東

泰

聞其軍容嚴盛歎曰高歡不死矣會久雨畜產皆死

乃還於是河南自洛陽河北自平陽以東皆入於齊

梁寧州

注見前

刺史徐文盛

字道茂彭城人

敗侯景兵於貝磯

水經

注江水東過邾縣南又東逕貝磯邾縣今黃州府黃岡縣是

初梁寧州刺史徐文盛募兵討侯景湘東王繹使將

兵東下與任約遇軍貝磯任約逆戰文盛大破之進

軍大舉口

舉水入江之口舉水出黃州府麻城縣今曰岐亭河至黃岡入江

侯景以

約守西陽久不能進自出屯晉熙

晉郡唐改舒州今安慶府是

侯景殺南康王會理武林侯諮

字世恭都陽王範之子

南康王會理以侯景既出建康空虛與柳敬禮

仲禮之弟

西鄉侯勸東鄉侯勔

皆吳平侯景之子

謀起兵誅王偉建安

侯貴

正德弟正立之子

中宿世子子邕

中宿世子中宿侯之世子子邕始興王憺

之以告偉偉收會理等殺之

錢塘褚覓以會理故舊插掠千計終無異言會

理隔壁謂之曰鄉雖忍死明我我心實欲殺賊覓竟不服景乃宥之

梁主既立景防衛

甚嚴唯武林侯諮及僕射王克舍人殷不害並以文

弱得出入卧内講論而已及是克不害懼禍稍自踈

隋唐府兵並祖
宇文泰之制劉
友益以為得三
代寓兵于農遠
意然沿及開元
天寶間調戍遠
征勾稽缺籍又
成弊政矣故曰
徒法不能以自
行

詔獨不去景惡之使人殺之封賁為竟陵王子邕為

隨王賜姓侯氏

魏初作府兵

胡三省曰唐府兵本此

魏宇文泰始籍民之才力者為府兵身租庸調一切

蠲之

凡受田之丁歲輸粟謂之租隨鄉所出輸絹綾絲麻布無則輸銀謂之調用民之力歲二十日

間加二日不役則折絹謂以農隙講閱戰陳馬畜糧之庸既籍為兵則皆免之

備六家供之合為百府每府一郎將主之分屬二十

四軍凡十二大將軍每大將軍各統開府二人開府

各領一軍

齊行天保歷

宋景業所造也

辛梁大寶二年魏大統
末十七年齊天保二年

春三月魏主寶炬殂太子欽立

是為

廢帝

齊以梁湘東王繹為梁相國承制

閏月梁徐文盛伐侯景敗之

文盛攻克武昌任約告急侯景自帥衆西上以太子

大器為質留王偉居守至西陽與徐文盛夾江築壘
文盛擊破之景遁還營

夏四月侯景陷梁郢州執刺史蕭方諸徐文盛奔江陵
方諸年十五恃文盛在近不設備日以蒲酒為樂侯
景使宋子仙任約襲之入其城方諸迎拜鮑泉匿牀
下擒以送景景因風便中江舉帆遂越文盛等軍直
入江夏文盛衆懼而潰逃歸江陵

梁湘東王繹遣大都督王僧辯伐侯景次巴陵景攻之

不克六月繹使胡僧祐

字願果南陽冠軍人

擊景敗之獲其將任

約景遁還

湘東王繹以王僧辯為大都督帥諸將東擊景至巴

陵聞郢州陷因留戍之繹遣僧辯書曰賊既乘勝必

將西下不勞遠擊但守巴邱

山名在今岳州府城內

以逸待勞

無不克矣

繹又謂僚佐曰景若水步兩道直指江陵此上策也據夏首積兵糧中策也悉力攻

巴陵下策也巴陵城小而固僧辯可任景攻不拔野無所掠暑疫時起食盡兵疫破之必矣夏首夏水

之首江之汜也在武昌江中

乃命徐嗣徽自岳陽杜勣自武陵引

兵會僧辯景使丁和守夏首宋子仙為前驅趣巴陵
分遣任約直指江陵景帥大兵水步繼進於是緣江
戍邏望風請服僧辯乘城固守偃旗臥鼓安若無人
先是巴州刺史王珣降景至是景濟江執珣至城下
使說其弟宜州刺史琳琳曰兄受命討賊不能死難
曾不內慚反欲陽誘取弓射之珣慚而退
王琳字子珩會稽山陰人景百道攻城城

中鼓譟矢石雨下殺賊甚衆景乃退僧辯著綬乘輿
奏鼓吹巡城景軍飢疫死傷大半繹遣胡僧祐援巴
陵戒之曰賊若水戰以大艦臨之必克若步戰鼓棹

就巴邱不須交鋒也僧祐至湘浦

亦曰三湘浦巴陵縣北

景遣

任約帥銳卒據白塔

亭名在岳州府華容縣西南

待之僧祐由他

路西上潛引兵至赤沙亭

郎赤亭城北華容縣南

會信州刺史

陸法和

北齊書本傳不知何許人

至與之合軍法和有異術隱於

百里洲

在荊州府枝江縣東

豫言多中人莫能側至是以任約

向江陵請行既至與僧祐縱兵擊之約兵大潰殺溺

甚衆擒約送江陵景焚營遁約至繹赦之

繹復遣王僧辯引兵

東下至漢口攻魯山擒賊將支化仁至郢州四面攻之宋子仙等困蹙乞輸城而還僧辯偽許之命結船

百艘以安其意子仙將發僧辯命杜龕帥精勇千人
攀堞而上鼓譟奄進水軍士宋遙帥樓船暗江雲合
子仙走至白楊浦大破之周鐵虎生擒子仙送江陵
斬之杜龕剋兄子暗江雲合言船多如雲江為之
暗也

梁湘東王繹誘江安侯圓正

字明允武陵王紀之子

執之

江安侯圓正為西陽太守寬和好施歸附者衆有兵
一萬湘東王繹欲圖之署為平南將軍及至囚之分
其部曲使告其罪荆益之衆自此起

秋八月侯景廢梁主綱殺太子大器而立豫章王棟

字元

吉安王
歡之子

初景既克建康常言吳兒怯易取湏定中原然後為

帝後納溧陽公主

梁主之女
景甚愛之

妨於政事王偉屢諫景

以告主主怒偉恐為所讒因說景除梁主及景自巴
陵敗歸猛將多死自恐不能久存偉因說以廢立景
從之遣彭儁等帥兵入殿廢梁主為晉安王幽於永
福省殺太子大器及王侯在建康者二十餘人迎豫
章王棟立之已而景欲迎梁主復位以棟為太孫王

偉曰廢立大事豈可數改耶乃止

冬十月侯景弑梁主綱

王偉說侯景殺梁主綱以絕衆心景從之使偉與彭
偻王脩纂進酒梁主知將殺已盡醉而寢偻進士囊
脩纂坐其上而殂

十一月侯景廢梁主棟自稱漢帝

景即位於南郊還登太極殿其黨數萬皆吹脣呼譟
而上封梁主棟為淮陰王鎖於密室景居禁中非故

舊不得見由是諸將多怨望

十二月齊主洋弑中山王

齊主每出入常以中山王自隨王犯太原公主恒為之嘗食護視之至是齊主飲公主酒使人鴆王殺

之并其三子

曰魏孝靜帝葬於鄴西後忽掘而投之漳水

齊主殺美陽公元暉業

彭城公元韶以高氏壻寵遇異於諸元美陽公元暉業以位望隆重志氣不倫尤為齊主所忌嘗於宮門

元韶勸齊主盡殺諸元不過冀為自全之計耳乃其身亦不免于幽死可為為法自啟者炯鑒

外罵韶曰爾不及一老嫗負璽與人何不擊碎之漢謂

元皇后投璽缺角我出此言知即死爾亦詎得幾時韶何故奉璽與齊

齊主聞而殺之齊主剗韶髮髯施粉黛衣婦人衣以自隨曰我以彭城為嬪御久之太史

奏當除舊布新齊主問韶曰漢光武何故中興韶曰

為誅諸劉不盡於是齊主誅諸元二十五家韶幽於

地牢而死未幾齊主盡滅元氏之族唯元文遙等

數家得免元文遙字德遠魏常山王遵五世孫

壬梁世祖孝元帝繹承聖元年春正月突厥土門襲柔

申魏主欽元年齊天保三年

然殺頭兵可汗自號伊利可汗劉友益曰突厥始稱可汗

突厥土門襲擊柔然大破之頭兵可汗自殺土門自

號伊利可汗號其妻為可賀敦子弟謂之特勒別將
兵者皆謂之設

二月梁湘東王繹遣王僧辯陳霸先討侯景

先是王僧辯乘勝下湓城陳霸先引兵來會

侯景將於慶自

都陽還豫章侯瑱閉門拒之慶湘東王繹命僧辯且走江州及僧辯至慶棄城走

頓尋陽以俟諸軍之集至是繹始命僧辯督諸軍東
發舳艫數百里陳霸先帥百士三萬舟艦二千自南

江即贛水也自南來注彭蠡
北入於江故謂之南江

出湓口會僧辯於白茅

灣

在九江府德化縣北

築壇歃血共讀盟文流涕慷慨

三月梁王僧辯陳霸先擊敗侯景景亡走吳

王僧辯等至蕪湖景聞之懼侯子鑒據姑孰南洲以

拒西師僧辯至子鑒帥步騎挑戰又以鵠舸

音鳥了長船也

兩旁著棹往來如飛

千艘載戰士僧辯麾細船皆退留大艦夾

泊兩岸子鑒之衆謂水軍欲退徑出趣之大艦斷其

歸路鼓譟大呼合戰中江子鑒大敗僅以身免

先是景戒

子鑒曰西人善水戰勿與爭鋒若步騎一交必當可破及聞子鑒敗大懼涕下覆回引衾而卧良久方起

曰誤殺僧辯督諸軍乘潮入淮景塞淮口緣淮作城乃公

十餘里中樓堞相接僧辯問計於陳霸先霸先曰前柳仲禮數十萬兵隔水而坐韋粲在青溪竟不度岸賊登高望之表裏俱盡故能敗我今圍石頭須度北岸諸將若不能當鋒霸先請往乃進於石頭西落星

山

在上元縣東北

案柵僧辯進軍招提寺北景帥衆萬餘人

鐵騎八百餘匹陳於西州

六朝時揚州治所

之西霸先遣諸

將分處置兵以分其勢景衝官軍官軍小縮霸先遣

將軍徐度

字考節
安陸人

將弩手二千橫截其後景兵却霸

先與王琳杜龕等以鐵騎乘之僧辯以大軍繼進景

兵敗入柵其將盧暉略以石頭降僧辯入據之景與

霸先殊死戰景帥百餘騎棄稍執刀左右衝陳不動

衆遂大潰景至闕下不敢入臺與其黨百餘騎東走

入吳

僧辯不戢軍士剽掠居民號泣滿道是夜軍士
遺火焚太極殿及東西堂寶器羽儀輦輅無遺

明日乃命侯瑱等帥精甲追景王克等帥臺內舊臣
迎僧辯問克璽綬何在克良久曰趙平原持去僧辯

曰王氏百世卿族一朝墜矣
趙平原景侍中趙思賢也

僧辯迎太宗梓宮升朝

堂帥百官哭踊如禮上表勸進於湘東王且迎都建

業不許

景黨侯子鑒等皆降齊獲王偉
送建康僧辯啟陳霸先鎮京口

梁湘東王繹殺豫章王棟

王僧辯之發江陵也啓湘東王曰平賊之後嗣君何
以為禮王曰六門之內自極兵威僧辯曰討賊之謀
臣為己任成濟之事請別舉人王乃密諭朱買臣使
為之所及景敗豫章王棟及二弟橋樛相扶出於密
室逢杜蒯於道為去其鎖二弟曰今日始免橫死矣

棟曰倚伏難知吾猶有懼買臣呼之就船並沈於水
夏四月梁武陵王紀稱帝於成都

紀頗有武略在蜀十七年南開寧州越雋西通資陵
西域吐谷渾內脩耕桑鹽鐵之政外通商賈遠方之

利故能殖其財用器甲殷積有馬八千匹聞侯景陷
臺城湘東王繹將討之謂僚佐曰七官文士豈能匡

濟長史劉孝勝

孝儀之弟

等勸紀稱帝會內寢殿柱繞節

生花紀以爲己瑞遂即帝位立子圓照爲太子司馬

王僧略

僧辯之弟

參軍徐怿

勉從子

固諫不從

初臺城之圍怿勸紀速入

援紀意不欲行內衛之會人告怿反紀謂曰以卿舊情當使諸子無恙對曰生兒悉如殿下留之何益紀乃盡誅之亦殺僧略永豐侯攜歎曰王事不成矣善人國之基也今先殺之不亡何待永豐侯攜字智

遐安成王

秀之子

侯景伏誅

侯瑱追及景於松江

今日吳淞江自太湖分流逕蘇州府之吳江長洲諸縣界至太

倉州寶山縣合黃浦入海

進擊敗之斬彭儁等景與腹心數十人

單舸走將入海羊侃之子鷗為景都督殺之送尸建

康傳首江陵截其手送於齊暴景尸於市士民爭取食之并骨皆盡溧陽公主亦預食焉景五子在北齊

皆殺之

是月始塋簡文
廟號曰太宗

盜竊梁傳國璽歸之於齊

侯景之敗也以傳國璽自隨使其侍中趙思賢掌之
曰若我死宜沈於江思賢濟江遇盜從者棄之草間
至廣陵以告郭元建元建取之送鄴

梁以王僧辯為司徒陳霸先為征虜將軍開府儀同三

司賞平侯景之功也

王偉等伏誅

王偉之罪雖寸磔不足以謝天下纓始以愛其才而欲宥之其決意誅之也乃激於湘東一目之語豈復知有大義者耶

王僧辯送王偉等於江陵偉於獄中上詩湘東王愛其才欲宥之有言於王者曰偉作檄文甚佳王求得之見其有湘東一目之語乃怒誅之

偉檄云項羽重瞳尚有烏江之

敗湘東一目寧為赤縣所歸王大怒釘其舌於柱刺腹嚙肉而殺之

梁以魯悉達

字志通扶風人

為北江州

梁置治鹿城鹿城注見前

刺史

扶風

晉僑邵治宛口在今襄陽府穀城縣

魯悉達糾合鄉人以保新蔡

是為南新蔡郡晉置故力田蓄穀時江東饑亂餓死
城在今黃州府黃梅縣

者什八九遺民攜老幼歸之悉達分給糧廩全濟甚

衆招集晉熙

注見前

等五郡盡有其地使其弟廣達

字通

覽將兵從王僧辯討侯景故因而命之

齊人侵梁圍秦郡

梁置今江寧府六合縣是

陳霸先擊敗之

齊主遣潘樂郭元建將兵圍秦郡行臺辛術

字懷哲狄道人

諫曰朝廷與湘東王信使不絕陽平

齊郡梁移置安宜故城在揚

州府寶

侯景之士取之可也今王僧辯已遣嚴超達

應縣

昔宗以來官人
之弊不過來取
門閥延攬浮華
惡世相沿迄無

守秦郡何得爭之且水潦方降不如班師不從陳霸
先命徐度引兵助守齊衆七萬攻之甚急僧辯使杜
崩救之霸先亦自歐陽來會與戰破之斬首萬餘級
是時齊政煩賦重江北之民不樂屬齊廣陵僑人朱
盛等聚黨謀襲殺齊刺史遣使求援霸先因進圍廣
陵齊主使告霸先曰若釋圍必歸廣陵歷陽兩
城霸先乃引還江北之民從齊江者萬餘口
齊以辛術為吏部尚書

自魏還鄴以來大選之職知名者數人互有得失高
澄少年高朗所弊者疎袁叔德

名聿脩魏中書令翻之子沉密謹

變易史以循名
責實參舉折衷
推美卒術曾不
知爾時紳士中
名實才器克副
其選者果誰耶
則亦徒興山公
啟事侈談標榜
者同一無實濟
耳

厚所傷者細楊愔風流辯給取士失於浮華惟術性

尚貞明取士必以才器循名責實新舊參舉管庫必

擢門閥不遺考之前後最為折衷

梁秦梁刺史蕭循

南史作脩字世和武林侯諮弟封宜豐侯

以州降魏已復

歸於梁

先是魏將軍達奚武侵梁南鄭梁秦梁二州刺史蕭

循遣參軍劉璠

字實義沛人

請救於武陵王紀

是時侯景方逼江陵

湘東王求援於魏令循以南

紀遣潼州

梁置今四川刺史

鄭翰魏循不可故魏伐之

史楊乾運救之至劍北

大劍山之山

乾運戰敗璠被執送

長安循守南鄭武圍之久不下遣行臺左丞柳帶韋

字孝孫河東人

入城說曰足下所固者險所恃者援所保者

民今險不足固援不可恃民不可保而宗國喪亂社

稷無主欲誰為

去聲

為忠乎循乃降於是劍北皆入

於魏循至長安宇文泰恃之甚厚未幾遣還江陵

循之

降也劉璠先已至魏宇文泰遇之舊交泰許循南還
久而未遣從容問璠曰我於古誰比對曰璠常以公
為湯武今日所見曾桓文之不如泰曰何也對曰齊
桓存三亡國晉文不失信於伐原語未竟泰撫掌曰

我解爾意乃厚禮循而遣之循以文武千家自隨湘東王疑之遣使覘察命劫竊其財循啟輸馬伏王乃安之

冬十月梁湘州刺史王琳下獄其長史陸納入於湘州以叛

琳本會稽兵家其姊妹皆入湘東王宮故琳少在王左右琳好勇傾身下士所得賞賜不以入家麾下萬人多江淮羣盜從王僧辯平侯景與杜龕功居第一在建康恃寵縱暴僧辯不能禁乃密啟王請誅琳王

以琳為湘州琳自疑及禍使長史陸納帥部曲赴州
身詣江陵謂納等曰吾若不返子將安之咸曰請死
之相泣而別至江陵王下琳吏以子方略代琳以黃
羅漢為長史使與太舟卿

本梁都水使者天監中改位列卿之末

張載

至巴陵據琳軍載有寵於王御下峻刻荆人疾之如讐
至軍陸納及士卒並哭不受命殺載以羅漢清謹而
免之與諸軍引兵襲據湘州

十一月梁主繹立

是為元帝

梁公卿藩鎮數勸進於湘東王王遂即位於江陵是

日不升正殿公卿倍位而已

侯景之亂州郡大半入魏自巴陵以下至建康

以長江為限荊州界北盡武寧西拒硤口嶺南復為蕭勃所據詔令所行千里而近民戶著籍不盈三萬

武寧晉郡隋廢故城

在今安陸府荊門州

梁以蕭循為湘州刺史陸納襲巴陵循擊敗之

梁主徵王僧辯等與蕭循共討陸納循軍巴陵以待之頃之納請降求送妻子循曰此詐也必將襲我乃密為之備納果夜以輕兵繼至鼓譟軍中皆驚循坐

胡床於壘門望之略無懼色徐部分將士擊之獲其
一艦納退保長沙



御批歷代通鑑輯覽卷四十四



總校官候補中允臣王燕緒

校對官編修臣吳舒惟

騰錄監生臣李邦燮

財團法人
佛陀教育基金會
釋淨空
敬贈

